



14
1544
143



14
1544
143

章山詩集卷七

綿州李調元雨村

辛巳

琉球刀歌 并序

為王夢樓先生 文治 作先生內子同全侍讀穆齋册封琉球所得雪夜出示要余作歌

先生雪夜招我飲寒光逼座半醅酌興酣出示琉球刀
魂飛斬蛟影黜魚皮室象鼻條龍雀夏環犀利等
品英射目寒生毛正色捧視冠先整為云前年駕海航
同榜聊得張塞青翻然直渡姑米洋使舟獨獲紛新理

14
1599
143

章山詩集卷七

綿州李調元雨村

辛巳

琉球刀歌 并序

為王夢樓先生 文治 作先生內子同全侍讀穆齋册封琉球所得雪夜出示要余作歌

先生雪夜招我飲寒光逼座半酪酏興酣出示琉球刀
三 魂飛斬蛟影黝魚皮室象鼻條龍雀夏環犀利等
品英射目寒生毛正色捧視冠先整為云前年駕海航
同槎聊得張騫背翻然直渡姑米洋使舟觸礁紛新繩

重刊言身 卷一
馬大作黃蛇浮齊呼天妃向東請忽見海面一燈來
如烟籠罩神光回須臾護送馬齒山那霸港中始無警
此邦本鄰土鳴喇七島倭人爭鬪逞割髭男兒好佩刀
往往不勝先刎頸出鞘光如雪一團風聲乍過失腰領
可老贈我不敢窺百步遙聞血脾冷傳聞日本初鑄時
煅鍊陰陽聳精緊磨出七百七十鋒白晝陰森擊雷霆
帶時鑿鐵曲作柔用自如囊錐脫穎至今匣有悲號聲
時時霹靂驚夜永不信試看一摩挲白日晶晶天炯炯
我聞此言膽爲寒便欲挾刀斬強梗卽今邊塞多烽塵
安得一揮萬方靜歌罷放刀出門去門外雪花避光景

兩癡老行

我昨夢向東海東忽跨黃鶴騰長空函谷關頭遇老子
鬚眉似雪行似風餌我丹砂授以篆招我攜鋤斫黃龍
赤城絳闕參差是弱水萬里飛如蓬方瞳道士呼爲友
槐山老父許還童旁有二老撫掌笑倘能如此我得道
回首問渠何姓名秦皇漢武兩癡老

東門行

巍巍大第城門東大柁爲梁泥粉紅風臺月榭若雲霧
半空架起蓬萊宮令公功高龍無比象牙犀簞當晏起
粉黛叢中千毛燭蒼頭脚下百珠履鳴鐘讌客春光除

重山言集卷之
二
猩唇熊掌侔天家美人善作掌中舞術士能栽盆內花
繞座無非優雜輩興酣別喚彈箏伎蜀中新到野狐歌
楚外更傳王豹至子夜歌殘席未終豈知平地起兵戎
堂前頃刻生荆棘羅雀門外多秋風君不見前張陳後
蘓史翻雨覆雲總如此

邯鄲行

妾家本是邯鄲妓明粧墮馬冰肌膩繡襦窈窕彈朱絃
龍婉鸞驚舞交翠折腰錯落鳴六銖合彈小轉勸君醉
勸君醉異君憐願爲天池並蒂蓮鴛鴦雙飛上天君
憐不憐妾自知無端紈扇秋風吹夜來多少傷心事肯

立銀屏淚暗垂

壬午

秦鏡歌

爲董東亭作

我聞自漢以來古鏡四十九惟有秦鏡其形方相傳名
爲照骨寶厥制始自秦始皇高五尺九廣四尺照人五
臟無躲藏傳聞宮人起邪念照卽倒影心膽張不知董
子何處得此鏡言自無勞儻奚石岸旁我思軒黃液金
作神鑑凡十有五已淪亡後人偶或得其一制度想像
猶可詳先以八卦定八極後以四靈位四方一十二辰
環其外一十四氣羅中央周漢以後形各異圓者象天

方法地周天則有廿八宿拱位三神與八衛或鳳飾而
龍蟠或鱗甲而羽蟲或嘉禾與合璧或比日與連理或
中虛而謂之挾鑑或形銳而名以浮水或肖五嶽真形
圖或象上女舞乍起其餘光皆花背與滿背嵌金嵌銀
與片子俱須清瑩徹中邊形影不改斯爲美況聞方者
品最下何況嬴氏失天紀博物雖或張華先貴重不必
秦皇始君不見宣帝有鏡照妖魅常以琥珀盛諸笥天
神所福得佩之從危獲濟登大位又不見天寶初進揚
州銅爐火光中盤真龍詔以五月五日鑄鏡能行雨復
行風還君此鏡三歎息何必如鬼復爲蛾我有寶鏡名

仁壽侯與金鑑一齊奏

古栢行

孔子廟栢青龍葱托根不與尋常同霜皮黛色株數十
風枝往往鳴商宮勁節亭亭互向背儼如佩笏森相對
小猶合抱況其餘濃陰交接亂明晦其旁一株勢尤殊
蟠鬱雲氣何模糊歲月微茫猶可辨許公所植神爲扶
雷霆白晝蒼龍立元氣淋漓雨聲急斑鱗剝落丹霜秋
百片青銅光熠熠永嘉枯木已千年泥封刀割空連螻
澤澤之光竟何在安得突兀撐青天當時元儒誰爲首
千載薪傳推此叟培護良材豈無意要與孔楮爭齊壽

至今偃仰高拂雲流脂落實香芳芬飛燕年年雲外見
吟鸞夜夜月中聞成均弟子雍容至摩挲想見先賢意
蒼幹樞門映日寒誰人不向此中庇君不見漢家崇臺
何森森青棠赤棹皆成林材非骨重誰能器人到寒凋
始見欽國子先生偶來止摘葉攀枝吟不已勸爾諸生
卽爾師豫章七年正如此

石鼓歌

文宣王廟千仞宮墻尊肅若九重彤庭嚴丹閣兩旁古
槐翠栢相環夾中間位置石鼓臨戟門傳是周宣文時
史籀作旁紀漁狩中載策命諸臣論從甲至癸文百二

十字五百微辨車馬鯉鱖凡六言其餘彭亨菌蠢半隱
霧蒼蘚剝出玉釵刻漏痕紛如松藤鞦韆大虬走坐見
草蟲阜趨相墮蜉蝣水蛇雪鼠蝮蛇不知數中有萬歲蟠
龍昂首噴古來鳥跡蝌蚪亦半妄獨與銅盤彝鼎光羲
軒豈非周家守銘吉金用畧同子虎父乙父已甌我來
學省官舍初釋菜側望杏壇禮器思攀援摩挲古物猶
見先王意但覺雷紋饗餐氣壓舉已樽巍如金馬銅駝
屹不動弗用螭鰲承負自雄蹲曾經風雨缺齧閱千載
百神呵護晝夜風雲屯細思物理獨占萬古壽不畏昆
明歷劫經秦燔從來神物往往藏大澤顧此片石何處

窮根源憶初女媧煉石補天鬼夜泣墮落琉璃五色輝
煇燉化爲南山嶠崿千萬丈蒼茫氣勢勃欲登崑崙自
從巧匠剝中斲山髓混沌忽死不救地媪魂琢成神寒
骨重天廟器始覺寶光照耀流乾坤當時言甫作頌泐
偉烈萬國芾芻同會相趨奔文成嵩高下射漆沮水升
阜羣醜競進頭如龜大開明堂御賓以酌醴擊鼓歡騰
聲如海波翻迄今想見東都車馬肅旌旆有如白雉寶
鼎光紛緼年湮不記維戊寅午日漸教俗眼玩弄加予
捫後來雍州城南委榛莽空餘蛟鼉鸞鳳哀煩冤雖然
幸免摸搨傷皮面却被樵夫牧子拋荒村歷漢及唐至

今乃顯燦有如日月光天炯不昏其間大軍巨艦凡四
徙畢竟安貼安置太學欹繚垣譬如窮儒久處破屋見
星斗移以大厦必自深啣覆庇恩君看正襟危坐體自
正肯隨諸子拱手禮拜駢肩跟方今羣彥莘莘胄楚楚
八方騏驥各各爭雲騫安得博雅江淹識冢器不教鍾
山甸服傳初孫若問吾儕食古誰能化或者瘦羊博士
今尙存

送大廷尉顧息存先生

汝修

冊封安南

南交萬里載威靈祖道都門騎暫停陸賈談天推漢室
臯陶拜命出虞廷馬嘶銅柱蠻烟暗鼉吼金波瘴雨腥

後夜客槎何處望南溟應見斗牛星

寄永清丞陳韞山珠

地邇京畿密年來報最頻誰言爲政樂翻似在家貧樹
接盧溝遠梁登海淀新治河聞賈讓不必讓前人

卓文君銅印歌

爲朱青雷作

青雷山人蒼籀徒秦篆漢隸紛笥厨就中銅印製尤古
傳是文君刀筆摹不知何時初出土佑人云出成都府
乾蘚菌蝨字模糊射人古綠精光吐清泉洗出名尚留
想見如蕙女手柔其紐爲龜脰左顧賤售不費蠖蝓收
憶昔王孫女初寡遠山不借眉黛假鳳兮一曲求其凰

千古風流屬司馬夫旣能爲犢鼻褌婦亦當壚倚市門
同里未逢楊得意閉門先絕卓王孫一朝駟馬題橋去
玉堂給札君王侍乍聞殿上賦凌雲已見蜀中檄文至
其時此印初何年共說夫榮妻比肩痕深似倩麻姑爪
篆古還同玉筋鐫豈知丈夫多異心茂林又復有挑琴
絲綺當年彈已絕白頭此日空長吟由來意氣難如願
一朝委去終身恨篋裏空存封禪書墳來祇作酒家券
只今事隔幾千秋不虞此物存荒邱煩君拂拭苔衣繡
印取桃花紙上油

癸未

蒙 恩點翰林院庶吉士恭紀

領髭敢詡掇巍科是科會試中第二人獻策彤庭答拜歌兩載

抽毫趨鳳閣一朝曳裾上鸞坡散班玉筍青衫少仙侶

金華黑髮多 盛代崇文真忝竊小臣報稱應如何

涿州送 大人回川路遇宋四觀光

涿州城東日將酉下馬相逢握君手問我倉皇何處來

送父不辭百里走我之來樹上烏君之去水中鳧凌空

飛鳥亦常事試問如烏反哺無

送別沈虹舟先生李祖惠 歸吳江

北風吹沙塵土黃師弟牽衣餞別觴別觴未盡出門去

獨騎瘦馬踰河梁先生古文日星爛氣排山岳光糾縷

至今元氣留肝脾孔鼎湯盤無敢玩豈知蹭蹬無縱鱗

名垂金石身艱辛文場百戰皆第一此才竟教淪風塵

丈夫抑塞不得志焉能齷齪供驅使飄然却向江東去

扁舟茅屋吾歸矣歸來應上受經臺白鹿使者于于來

他時倘遇名班馬臭教著作老奇才先生時以高安令改教授故云

甲申

和陳勾山太僕跋東坡興龍節侍宴真蹟用米老

韻呈座主周立崖先生於禮

先生字法精入骨笑衛夫人費日月愛學東坡換羊書

若鋒出劘刃新發嘗言魯公筆太肥又言張芝空草劄
昨朝購得清虛堂有如聽江初得法我聞子瞻酷愛王
家兩行十二字野鴛家雞得勿同此意當年片紙不許
藏人間至今萬金始得收中秘先生慕古雖隔世鼻祖
遙遙接蘇氏我亦以指畫破衣壁美貌妍總非是

送別王夢樓先生

文治

由翰林侍讀出守臨安

百韻

虎綬新承 命鸞坡舊集賢受知緣鄭重話別故纏綿
夫子鍾江口家聲起海堧青緗三世遠丹篆一枚圓東
箭材原貴南金質自堅蘇歐文似鑄燕許筆如椽繡虎

工于織雕龍不是鐫銀鈞追逸少玉唾揚公權翰墨千
秋寶文章一日傳席看魏市奪矢已柳枝穿共訝鐘葵
器旋陳東帛弔朝廷行册遣幕府早虛延持節羣推武
乘槎遂附騫陳遵工尺牘阮瑀掌書箋素結三山願從
茲萬里沿揚帆撈海月擊檝破滄烟鼉眼瀨波晃鰲身
黑浪漩國王排雁齒侍婢夔龍涎綺席花盃舞躍堂竹
拍筵伶僮紅錦襪歌伎翠珠鬟金玲瓊琚響銀盤海錯
鮮十行騎紙馬七宴逐麤糞蠅鉅奔趨送龍宮禮畢虔
雲濤原不測風浪竟言旋詩遍鷄林賈名高鶴上仙碎
琴方擲地破壁遂飛大玉筍同時雋瓊林獨占先作元

張五處對策董三篇王酒暗綾餅探花踏繡氈鰲屏榮
禁藥鳳檢耀金蓮珥筆靈和苑濡毫太液泉論文叅赤
管纂史訂青編華國材爲棟擎天玉作礪前賢存汲引
後進敢流連憶昨南宮選時承北學貴龍門千尺峻雁
塔幾人聯鎖院蠶聲夜銜枚蟻戰年一枝寧是桂片玉
未爲璇曳白知無分垂青幸有緣瞻韓心自切御李幸
無愆紫殿分丹禁青宮接畫軒趨承時蹠足陪從敢差
肩同日衣冠盛逢春輻輳駢羣公如雨集諸子應星纏
簾爲敲棋捲帷因作字褰烹茶晨謾謾擲夜闌闌留
客嘗晨釀援賓試暮餽有時徵玩戲無事鬪便嬾舞罷

迴紅壓聲遲歛翠鈿燭殘歡倍劇歌歇髻頻偏的的誇
粧靚番番博笑媯喧嘩翻剩席酪酏上歸鞦逐逐無離
所朝朝詎舍旃酒鱸非逸若宦海忽茫然蠖自身安屈
蛟寧老作跼中樞推鄭澣外任重胡詮舊著書三十新
增秩二千從容辭北闕逸選出南滇紫闥橫袍笏朱轡
奪錦薦路遙金雁驛舟過碧鷄川鏡柱標雄麗金沙漾
漪漣瘴雲昏浴象毒霧站飛鳶撞女輪文具苗民緯木
綿夷風雖洗染蠻俗頗腥膻去禁來廉范驅邪走竺乾
隨車應有鹿逐惡豈無鷗揮吏莎庭靜留僧竹閣禪琴
聲篔簹寂寂印色草芊芊雨後栽花樹霜前課稻袖此時

風景異遙覺歲年過憶故看雲立思交對月眠山川頻
悵望風月想安便狂狷應相念癡頑幾日瘞俗塵勞拂
拭陋體詎翩翩賤子慚桃李才原愧杞柳幼思連獻楚
壯悔謬遊燕已作籠中鳥真成殼裏蟬酒邊空跋扈病
後苦虛辱木直原招忌膏明只自煎未能心抑抑祇是
語譏談放誕稽康懶橫豪米芾顛夢魂疑化蝶鄉思感
啼鵲瓦礫難攻琢芻蕘合棄捐空羣逢伯樂持斷藉輪
扁門立程公雪庄荒陸氏田助山羞細壤輪渤効微涓
養器培松栢知心別蕙荃丁寧行莫玷提命過終悛含
意叅心契忘形解道筌擬將觀後效庶免蹈前愆自喜

洪爐鑄常將品彙甄頓然離水鏡何處照媿妍譬彼孤
飛翼誰憐百足虵先生今去矣弟子益儂焉史館思錢
象蒼生待謝元清方聞一鶴占定象三鱸經術看宏展
才華必廣宣盛遊當再續名望豈孤懸絳帳終當侍襜
帷或暫舉飛鴻音定早莫使思長牽

種芝行

爲唐芝田作

君不見芝田種芝如種穀九畹苗芽抽或或手攜鴉背
鋤未終一卷黃庭樹根讀我聞蒼山五百年風吹石髓
如鐵堅若有人兮餐雲氣便騎白鹿凌虛烟今君何處
拾此七明九光之奇種但見朱柯赤箭紛鈎連得毋路

章山詩集卷之十一
遇綺園叟示君竹刀斫雲母萬歲蟾蜍味如藕又或崑
崙訪蔡誕夜呼祁孔賓爲伴敲折紫藤枝無算不然何
爲貌此玉頻清而豐彷彿看似商山翁恍然車蓋擁宮
闕疑身誤入華陽中我亦丹邱客思隨赤松子安得從
君過銅池生啖黃龍飲其髓

聞祝芷塘德麟消息二首

昨傳吳地信猶滯闔閭城月夜誰家艇春深何處笙
思千里夢同有五湖情漸看青蕪長哀鴻又北征
鹽官濱海處聞爾有家園樹色濃團屋潮聲夜到門
黑頭他日事青眼幾人存年少今才子聯床若箇論

贈弟桂山天英

與君生同里聞名未謀面揭來京師遊選謁始一見意
氣何飛騰神采爛崖電落筆翻水成讀破知萬卷譬如
換凡骨力藉仙丹捍不惜百迴吟極口莫能贊此才
揆天庭應待金閨彥空抱千里志無媒竟誰薦昨與君
縱談明習若素宦知君樹立然懷珠非自炫我生寡所
借素性復疎慢得君不羈人令我狂欲旋情誼真古人
膠漆誰能開承當對風雨詩酒達晨旦

送蜀閩房師于東臯中行由隆昌壁徐州司馬

徐州佐治沐新恩儒雅風流道範存此日喜陪司馬席

當年愧領小龍門已卯調元以第行看綠樹幃帷遠望

到黃樓絳帳尊我是師門最遲弟不堪老別暗聲吞

六月初一日雨後偕侍講周稚圭升桓成進士城

邀集舍人沈南雷士時齋中分韻作歌得燈字

今年五月多霖雨垂檐白練如穿繩吹帷注面風習習
蕭齋默坐成癡蠅念我休文南隣北泥沒屐齒何由登
曉來城上鴉翻樹豁見西山霽色澄清晨欲往徑命駕
敲扉不待雙童應主人攤書正高卧笑起握手欣來朋
燕京客舍苦無事相與大叫呼憑陵打門忽報周公入
軒軒意氣何飛騰座中成子殊駿犖鬪奇射覆無不能

相逢酣叫傾五斗十干沾酒真如澠人生對酒不快意
百歲轉瞬如風燈男兒窮達自有命但須胸次清於冰
何必低頭附炎熱齷齪澠忍求哀矜疎懶從教官長罵
狂歌那禁旁人憎維時徂暑苦蒸鬱黑蜮不見焦烟凝
黃沙撲扇汗如泚蔭楠移坐前廳棚興酣呼出雲中月
滿天星斗森孤稜醉來起舞鐵如意眼看屋角濃雲崩
咫尺雨雹愁僮僕催歸街鼓聞鑿鑿夜闌得句雜夢寐
急追好境書溪藤明日示君應咋指酒語無付詩蒼膾
勸君欲飲徑相覓邇來酒價方陡增

放歌行送別別駕唐芝田侍陸之江南兼懷夢樓

先生

尊酒勸君且莫罄我試放歌君姑靜歌長聲高響入雲
 四座為我傾耳聽憶昔少年輕遠遊出門四顧無九州
 結交盡是平原客受辱不作淮陰侯人生三十猶年少
 飛騰變化誰能料却憶去年黃公壚日與吾輩同歡笑
 子居巷北我巷南得便即覓不用名祖跣呼盧靡不為
 醉歸屢被官長誚當時程門魚徐遠燕曹虛竹宋岩小擅風流丹
 徒夫子文采尤絕妙邇來聚散何紛紛千里萬里傷離
 羣昨日門前君送人今日門前人送君日斷南天鴻雁
 過垂楊走馬趨斜曛酒亦不可盡歌亦不必續君不見

龐鳳雛別駕方能展驥足

送朱子穎孝純之蜀作宰

十年聚首興何長分手無端各一方塵世知交人寂寂
 天涯客路海茫茫猿啼萬樹衰斜月馬踏千峯劍閣霜
 自古詩人例到蜀好將新句貯行囊
 此行攜鶴歷蠶叢走馬盤關一綫通棧樹遠分殘雪外
 人家多在夕陽中故人他日思今雨大雅當時想古風
 到蜀若煩開石室也應化俗似文翁

子穎子歌

子穎子穎鬢如戟眼中無物氣無敵二十年前早知名

驩駟作絢汗流血朝來作賦長安市一日碎琴驚帝里
拂衣不到七貴門提筆何曾百篇止去歲京華始識面
意氣形神兩相視白日慘淡秋風高爾時見君何雄豪
我聞詩人例窮蹇失意往往追風騷奇才抑塞古亦有
酣歌據地真吾曹子穎子不見生入玉門之班超不見
東海騎鯨之李白雲臺畫像竟何人劍術飛仙爾亦得
何爲一上孝廉船坐使金門空射策龐公豈是百里才
賈生誰與問前席昨日辭我之劍南我是劍南未歸客
去任俱爲異地人人生離合真無極少陵去蜀仍蠶叢
天特遣君爲鏹闢故教走馬錦江邊要使清吟奪江碧

當今 盛世奏雲門懸器要須韶濩音風雲際會君姑
待莫遣星星白髮侵

送舍人徐蒸遠

步雲

回南

驚飈淒以肅凍雪欲封瓦寒烏繞窻啼似訴遠離者我
友慘欲別號天泣如瀉去去從此辭晨裝催秣馬雞鳴
哭出城風樹爲瀟灑夢聽長鬚報急送已在野明知去
必遙車驅追亦且道逢送者還睚閣淚未下寄語翻慰
我失聲爲暗啞問我無飛翼不如且歸也何處望烏帽
京塵深沒蹠延佇知無益徘徊自難捨歸來覓鴻寄愁

吟對燈燭

寶山詩集

卷七

七

永床行

北風吼樹樹欲動雪滿城濛濛為凍曉起行人冰上行
歷歷冰床往來送床走如飛不用槳底蓋皆平几枕傲
不篷不帳坐來敞僅可容人三或兩一人負緯走如奔
恍疑直渡銀河上造次不怕狐聽疑玻璃琢就平於掌
大魚潛服不敢動錯認江面蒲帆響豈知名床却似船
船人义手向余言不見江頭船戶吏歛錢官司查點候
如年不如此船無用處日暮得錢自歸去

觀東坡興龍節侍宴真蹟歌

並序

周立崖座師於上元節在琉璃敞購得東坡興

龍節侍宴真蹟是夜出示門人編修彭元瑞汪
新及調元等共加賞鑒同門請泐石以公諸人
至冬始竣各揚一本見賜因作長歌

趙宋法書誰第一東坡先生古無匹棗木刊肥世鮮真
墨豬空笑盈緗衣吾師立崖真好古百金收購為綴補
斷縑怪底等連城由來瓣香蘇其祖酒酣出示驚賓朋
千年遺墨復今觀是夕百枝燈花開高軒明月流金杯
開緘奕奕銀鈎動光爭火樹輝瓊瑰嗟哉至寶未湮滅
日月猶記興龍節蝴蝶碎亂空復憐頓使展觀三嘆息
憶昔侍講通英殿日高陪從東宮宴黃纒西清賜玉壺

感泣金蓮夜歸院玉皇灑翰無時無漆光射天驚諸儒
紫薇草罷招贊普袖中三十四纒珠豈知文墨亦遭忌
九泉檜根能作崇坐令此帖落人間竟無片石傳後世
我師何處得此紙空教金多貴人恚傳觀石渠諸史官
及門亦得從旁觀豈意慨然壽之碣各頒一木工甫完
拜賜何啻千金璧歸摹臨池水應黑吾鄉宗派繼者誰
對此空令淚沾臆

王夢樓先生命題城市隱居圖

達人厭塵居反向城中住豈真愛城闔習自無塵故先
生本仙藉香案掌文賦天惜斯文墜降下玉堂署城陰

結茅屋遍植皆花樹獨酌理琴書焚香脫巾屨只此滌
凡襟何必山林往乃知枕石流要是捷徑路 聖朝無
遺才不才乃見棄先生豈真隱留爲隱者悟

題楊妃春睡圖

華萼樓前春色闌華清浴罷曉粧殘別宮昨夜聞宣喚
傳道君王飲玉環宿醒未解春眉蹙扶歸皂帳人如玉
帶雨芙蓉起御床正是海棠春睡足寶釵斜墜縮烏雲
金屏烟裊香氤氳日移磚影隨簾轉風動鈴聲隔院聞
那知鼙鼓驚春夢香魂錯認流鶯啁深宮昇出錦綳兒
塵滿漁陽萬軍闕可憐劍閣雨淋鈴渭水東流不可聽

童山詩集 卷七
一白長眠馬鬼月千載黃泉喚不應

送崔孝廉述落第歸大名

崔君鬱鬱不得意匹馬走出長安去未及五里十里程
折盡千條萬條樹此時車馬如雲屯此時俯首前趨奔
入投風雨晴時店家在雲烟盡處村崔夫子吾語爾不
須更抱李薦恥不見鸞鳩榆枋捨不見縱鱗羞盤委六
月之息一瞬爾胡爲悼嘆在泥滓崔夫子請一觴我爲
長歌寬君腸君歸倘去漳河上好掬雲濤漚七裏他年
一舉抉雲漢安知不在玉皇旁

雷琴歌 并序

朱青雷好琴頃得古琴於京師膠漆剝落彈之
有殊聲令良匠開腹裁綴腹中有大唐雷氏製
五字旁有宣和小印其長三尺餘頭曲如拱其
赤如新栗殼斷紋隱起似虺蛇有銘文剝蝕不
可識考雷氏蜀人其先有雷威斲琴無爲山中
以指候之五音未得忽一老人指示曰上短一
分頭豐暖殺已日施漆戍日設絃則可鼓矣如
法斲之無不佳絕世稱雷公琴其傳者有霄盛
珽文迅諸名按國史補錢塘沈振蓄一琴名曰
冰清腹有晉陵子銘書大歷三年三月三日上

底蜀郡雷氏斲奉詔書貞元十一年七月八日
再修士雄記或謂晉陵子杜牧道號篆法類李
義山此琴但言雷氏而不詳何名且亦無大歷
開元等號青雷素好古豈亦有所據歟又言銘
文剝蝕豈故滅其迹以驚竒歟宣和小印据琴
苑宣和殿百琴堂有雷氏琴則爲御府故物亦
未可知但恐真贋相參爾青雷索余作歌因據
所聞以答之

青雷示我雷氏琴黑蛟踊出如奔霖古漆無光捫不得
挂壁往往聞龍吟細觀石軫損未理蟲書漫漶記雷氏

欄桐埋沒不知年市兒拾得鬻都市買歸那惜東陽業
縮絲爲袋玉爲甌小篆旁印宣和年良嶽所藏母乃是
我聞雷琴各有銘宋人所贊皆題名雷威造有松雪字
雷霄製有松風聲玉澗名泉雷迅斲九霄瑜珮雷文成
其餘雷盛與雷珏不出靈開借水清歐陽三琴蘇十一
雖無字號時世明玉徽瑟瑟金徽蚌品第一一皆至精
此琴何名復何代不應剝蝕字全廢但據琴苑小印爭
真贋懔懔難爲對况自徽歛南燼來所見存者惟春雷
樊氏路氏俱劫火底亭雷氏猶餘灰從來神物有靈氣
請君考定方珍貴落花流水亦古琴試看鼠畏與不畏

送編修宋小巖回吳

姑蘇多佳人艷者顏如玉亦復產佳士玉中比結緣我
 友宋小巖蛾眉等曼睩若比西方人定應稱二玉可憐
 不字貞與我通欵曲三載偕步趨校書直天祿有如雙
 飛禽相聚水中浴翩翩厲其羽並頸時相逐昨日駕在
 門告言返舊屋執手為躊躇淚下不能續奈何同心人
 遠赴天一角目逆而送之何時手重握相期臭如蘭此
 外無他屬

寄懷王夢樓先生六十韻

文章重知遇世事感垂幹秋風別河汾雲散憶羣傑細

昔初遇李龍門何碑硯逡巡我不前立階敢踰越先生
 徐進之執手笑盼盼師乎實友也云在神交密叩頭謝
 此言此意銘於骨向來荒學圃抱甕方措措春風一月
 坐此情頗不屑京師盛朋遊還往豈能絕譬如濁河翻
 淮源各自潔薰猶倘不辨終必歸隙末 朝廷方重才
 揆藻各欲竭我師嗚其盛灑氣倒溟渤於時奎星聚穎
 川事堪述建安七才子曹劉我先怵曹文植劉種之前輩真飛
 騰勝事頗記晰賤子虱其間躁甚鼠失窟有時學呻吟
 有如魚刺乙日枉高軒過愧無李賀筆家留瓊瑤詞句
 壓岫嶼碣豈知偶與音翻覆見顛蹶當年執牛耳登壇

各秉鉞別來黃公鑪蕭條感華髮武源澗倏已故昨聞
淚嗚咽此才我所膺詩在王孟列天若假之年大器成
晚節竟主芙蓉城花落鶻啼血逝者固已矣生者復睽
隔小宋銑孝而純母病祈藥訣春輝不獲報泪灑扶桑
日家對吳公楸歸夢雲帆切白塗徐孺子步繼宗臣而
出獻賦來長安飛黃才一瞥試席見孤罷交以立談決
劉蕢落第時孟夏月在畢銜喚拏家書急買南歸棹此
別不銷魂其心無乃鐵迴憶蹇驢句西風爲颺颺懷歸
詩有老父年七十出門無蹇驢之句唐子陞亦人豪簪筆能聲折中丞之
子孫燕翼實貽厥燕京歌舞場屢共金搏抹每逢燭地

時賜斷秋波溢客歲行淮南一官等蠅蟻遙知定高眠
傲吏成坦率子穎不羈人朱孝純奇才屈受繼侯門不低
頭甘卧潭潭室吾師真康成微賤得鑿拔與之釜與庾
歸見妻孥說嚴霜出劍南雪棧流澌冽此時到草堂哦
詩知抱膝凡此數君子東西走疲茶有似搏沙散恨無
縮地術茫茫雲際鴻杳杳天低鶻明月元度思秋風茂
陵渴在者惟芷塘德麟肝膽對之豁歲暮始來京遇師云
在浙今得臨安書念舊言矻矻讀罷望西山惟見飛鳥
滅側身天南雲碧峰高笑兀

讀祝芷塘德麟詩稿

我家岷之濱柴門對江淨哦詩二十年空谷只孤詠抗
懷思古人屈指嘗竊評緬維炎漢初文章我蜀盛司馬
與王揚洪鐘破幽磬祠壇列俎豆萬古殘膏賸子昂起
射洪高蹈寡聲應感遇篇三十丹砂金碧瑩刪述志非
夸垂輝千載映眉州蘇父子玉局我所敬大海揚鴻波
餘流空汀澄後來頗落落道古或差勝斷獄老吏能遺
山集可并有明三百年升菴獨雄橫百代爲牢籠肯與
何李並其餘鄙無譏數子獨逾勁曰余生也晚狂愚頗
自命少年走吳越文藪林是鄧豈惟飽名山兼多縞紵

贈一自遊京師名流交通訂曹晉趙鳳富詞藻具中沈

雲才華稱丹徒

樓

我之師趙

之

宋

巖

馳驅併程翁

魚

門氣

無敵持議或倒柄當其掀髯時濡筆何豪興杰起有東

海子俊鶻掃凌競天罰徹骨窮敝衣不掩脛明時盛文

彥絡繹多唱賡遍識我不能爲坐健忘病憶昔初識君

得朋良竊慶頗聞束筍多全豹窺未請握手不須與歸

思挂吳榜去歲曲江頭并馬日未暝又理南征帆春秋

重親迎鴈去燕復來鳩喚婦寡磨今來同華省新詩獲

細證秋水出芙蕖不飾晨粧靚餘霞綺滿天散作珠光

孕遺音聞正始韶樂放淫鄭向日低頭拜今者矧日更

嗟世曰蛙黽衆囂紛勃諍豈無獨彈者改絃不堪聽豈
無錦繡段文理味絲經長笑白贊元還疑韓譽孟温李
亦堆屎皮陸苦餒匱箇中知者誰局內自無情鄉風敢
云繼庶幾有獨醒大雅君扶輪前賢我作鏡君當爲羽
翼我亦堪佐乘誰蹠巨靈掌一手湮河朔誰持照妖鑑
退斷邪魔徑僞體倘不裁風騷滅真性齊名誰側目至
張須啄硬請君玩此篇知余言不佞

奉和祝芷塘

德麟移居四十韻

啼鶯藏柳苑鳴鳳聚篁梢舊磚低門瓦新誅仄徑茅移
雲先自牖得雨從郊園剪青蔬嫩牕除碧草交喜無

龐吠巷便有燕來巢簾捲湘紋裊帷褰細字抄預防低
置榻先教遠安庖愛客陳遵飲譚文杜牧抓洗壘纒泛
蟻題紙每蟠蛟蔣詡高原滿王猷竹未苞客來嗔剝啄
僧過話流泡博厭臬呼座基嫌敵在輓不能同木偶幸
免貽金鏡靜獲安居樂幽占履坦爻何煩弋者視直遠
俗人呶自子居初餽留余饌共魚婦能藏斗酒僮解飮
盤肴登壁巾常挂揮塵屢箝紛紛抽妙思切切似同
胞蠅止誰能亂鷄鳴自聽嚶銜連南北住戶待晚晨敲
癡僕扶儲寐饑兒隔屋咬有詩呼共和無語不相啁鶴
故聲聞野麀原巧脫牙得綠隨地占投契實天教羨爾

幽栖好慚余。濁世滄蘇。移雨漏杜屋。爲風颭耳。爲隣
街沸心。因湫隘。人看多當。櫟我繫。亦如龍。再徙身無
定。三遷意未校。翻隣脉在笠。頗類雉。罹邕却憶南村屋
常環北舍菱。春花籬自爛。秋稻圃非礮。終喜山邨僻。何
嫌地勢顛。自來居共邸。却似處同櫟。聚怕行分袂。狂多
起舞袖。卽看槐蔭密。遠映竹枝膠。問菜思黃獨。包餐想
綠筍。淵明松菊廢。甫里釣船拋。他日林園去。寧辭築圃
歟。

挽易州牧李文耀芰裳繼配烈婦氏覺羅安人

柔腸成鐵血。成丹易水蕭蕭。日色寒。不使荆軻獨千古。

女中又見白衣冠

送編修諸桐嶼重光出守辰州

册府仙郎駕五驩。一麾出守下瀛洲。金鸞侍草推高第。
銅獸專城領上游。日落掛帆雲夢澤。春深攜酒岳陽樓。
紅梨却憶校書日。滿目丹霜大楚秋。

送虞部趙檢齋瑗師出守衛輝

紗帳芳筵錦不如。欣逢拜賜虎符初。尊前近接春生坐。
境內遙占雨逐車。院北他年遷五雉。關西此日象三魚。
黃帷叨受傳經列。欲訪春秋舊地輿。

昔歲登瀛動帝京。今膺劇郡領專城。一朝列宿承新命。

十載冬官舊有聲渡口烟深淇水暗城頭雨霽太行明
獨憐祖席寒帷外不盡當年絳帳情

贈李桂官

一曲當筵曳碧霞綠腰按罷月初斜黃昏客散歸何處
米市街西第二家

湘簾不捲坐敲碁斜對疎櫺有所思門外輪蹄聲漸歇
錯疑人到叩銀時

霓裳罷舞駕輕輪笑入紅樓索酒巡飲到玉山扶醉去
春光又屬別家人

醉帶朱顏倚竹床冰紋衫子透颺涼分明百尺銀河水

斜挂紅霞一縷長

七月廿三日陳六邀同侍御劉乙齋天成編修劉

雲房權之芮鐵厓永肩檢討張鶴林翳蕭蘭圃芝

員外孟鷺洲邵主事姜松亭錫嘏遊王家園

結伴出城隅勝遊得賢王機舟集羣彥攜榼臨芳澗
不到郊坰秋色已如許乍聞蘆葦風一似昨夜雨昏昏
塵夢中破此一聲櫓樹影搖水光半裊游絲縷野鷺雜
家雞曬翅滿晴渚沙禽知讓客飛去鳴深浦遠近起漁
歌炊烟動人語十里聞雷鳴百丈飛泉吐榷間何砵磅
誰觸蛟龍怒復見好澄潭相與互延佇岸草侵長虹荒

烟幾村聚深碧誰家園鬱鬱林之塢翠蘿啼百鳥數步
得朱戶破蘚走青蛇頽墻竄蒼鼠昔時神仙窟薰天競
歌舞勸客羹駝蹄管絃日淒楚豈知榮枯異美人化黃
土至今雕楹間猶餘篆香炷我來拔劍歌激越梢林莽
側身視青天白眼弔前古散髮外形骸醉語咋同侶大
笑謂吾輩此遊當再補

傅雯畫鷹歌

大野秋高塞草枯狐兔狡捷紛當途凜凜鋒鏑十二翻
胡爲不擊來吾廬細觀素練畫作殊條鏃猛腦不可呼
傅雯妙筆天下無行年七十皓髭鬚猶能上馬左右射

眼光炯炯如元珠朝來落筆風霜起勁氣直與蒼鷹俱
獨立杈枒吁可畏攬身天地無全俘飽不颺去何其愚
得毋養之如布乎看君醉筆良非粗詩成爲我千壺沽

九日陶然亭登高和編修曹習菴仁虎元韻

佳句爭傳濕粉墻新添韻事入重陽君詩有穿荻小車
疑坐艇出林高閣

當登山之句爲陶然亭杰作一時傳誦城中客散看花地野外人歸打稻

場滿院風聲吹菊紫一汀鷺影對葭蒼吾儕痛影何須
計莫教啣杯却憶鄉

聞永清丞陳蘊山琮署永清令

何必定登科只須早爲官何必居顯職只須不素餐陳

子不羈人飛驥汗流丹副車真誤中一擊如報韓昨者
到京華暫駐爲盤桓贈我綈袍賞爲憐范叔寒今者元
方來欣聞慶彈冠爲言眉上黃欲學河陽潘石看劍花
暈洗濯驚龍蟠豈有新發礪操刀割雞難人生無良朋
何處吐心肝倘有絃歌聲吾將採輜軒

奉和祝芷塘

德麟

移居接葉亭詩并序

亭爲湯西厓先生故居小有林泉花鳥之勝佳
塘徙居有詩謹疊前韻叙相知之雅道過從之
歡有懷輒書語無倫次時六月立秋前一日也
年來頗怪卜居頻聞檢園林別有春接葉鳥窺携酒客

隔花犬吠乞詩人天留別館容才子地敞高軒絕俗塵
只恐吟成愛遙贊定教榘脚代眠身

萬瓦參差甲第雄潭潭各據幾人同百年人物思詩老
一旦天緣付史公得句每從朝退後著書多在宿齋中

笑君萬卷閑身擁文字何殊困蠹蟲

何須結搆起重巖疊石疏池已足看屋上好鳥惟我愛
簷前怖鴿待君安翹公自羨朱門暝杜甫常愁白屋寒
莫向石欄當晚坐瘦軀應祛露珠團

泉石平生野性宜烟霞痼疾未全醫每從郊外看雲去
閒步街頭對月遲天意寄君真似磨人間著我亦如棊

章山詩集卷八
何時笠澤烟波路同與漁翁訂夙期

芷塘有詩再疊前韻

藥裏書籤寄跡頻
搗來深巷度秋春
敢爲林下歸田計
却似湖中汎宅人
萬里家山鴻爪雪
九衢燈火馬蹄塵
未能擺落輕紅去
只爲官閑可寄身

憶昨登瀛說兩雄
頭銜謬許武文同

榜下好事者以杜詩將軍不好武推

予總能文爲吾二人誰故云

君方醉似嵇中散
我亦狂如蓋次公

百歲幾人巢幕上一時
諸子入禪中不知螺蚌因何事
空

殼年年許寄蟲

幽齋靜對影
樂樂想見窻前展
卷看有客從遊如蔣詡

無人高卧似袁安
今年燕語新巢暖
往日龜言舊地寒
待到菊花重九放
來看蛺蝶鬧成團

怪君癖性獨居宜
真是膏肓不可醫
小屋打頭伸已慣

高樓半臂送常遲
書成逸品還臨帖
奕爲孤高懶着棋

聞道墻頭多擲果
莫因迴避誤佳期

三疊前韻

閒居使我往還頻
亭館無多總貯春
每怪幽居如處子
從來良友比佳人
小山作賦堪招隱
秋水爲文不受塵
底事相過便尼飲
醉鄉雖小足容身

高齋煮酒論羣雄
屈指樽前幾箇同
若問庄荒寧陸氏

芷塘禮閣出毘陵趙雲松先生門下至今門立憶程公先生出閣有我亦在荒敢取盈之句

一簾草色疎烟外三徑苔痕淺雨中却憶丁香舊池館

飄零無主咽秋蟲癸未余房師爲夢樓先生丁香館先生舊居也

爲問蕭蕭倚笛樂海棠花發共誰看同時止酒師彭澤
異代論詩到建安雨屣送僧蓮寺近夜爐留客竹牀寒
相逢細話長安事慣聽松風試小團

疎狂豈是合時宜愚拙由來藥不醫宦味差同熊掌欲
生涯悔食馬肝遲愁懷曲似牽蘿帶歡味殘如已算祺
九萬里風安稅駕鵬程雖遠與君期

四疊前韻

茅屋新詩賦出頻果然巴客和陽春吟成河北壘中句
格鄙江西社裏人琴本無絃常挂壁瓢常有酒不栖塵
獨彈古調無人識疑是青蓮作後身

跋扈飛揚誰最雄狂歌痛飲余能同獻書不作妄男子
作賦何妨亡是公習氣銷磨歲月裏抗懷嘯傲烟霞中
試看長鳴曷且烏絕勝得過號寒蟲

城南誰氏建雕欒休退空懸宅畫看醉裏功名付桑落
夢中富貴總槐安鳳栖只愛桐枝好馬老方知豆葉寒
爲樂及時須記取爲君指破舊疑團

犢鼻文園病酒宜邇來牛鬪不須醫客噴晨卧門敲久

妻怪天寒釀熟遲每欲偷閑思運甓何須詭智託圍棋
齊名莫怪旁人妬珍重聲華萬古期

雪後與王貽堂

燕緒

步陶然亭抵暮方歸得上字

城市如鷄栖並鶩思俯仰幽人有佳興忽作出塵想遙
指城南亭嚴寒久不往及此雪初晴招攜覓清賞拄笏
對西山村樹何蒼莽所恨曉霧蒙未放孤峯朗其東有
危剝徑造不須杖何年風拔屋空餘古佛像聯步大野
中始覺天宇廣一一飛鴉還時時落木響微陽下白屋
返照蒼苔上雖未愜幽探頗快心目爽誰人肯共來今
者只我兩妙意忘形骸道言互開獎却笑夢中人昏然

墮塵埃

奉和相國尹望山先生

繼善

晚香園雜咏用杜工

部遊何將軍山林韻十首

人傳丙作相天賜午名橋望本居青甸官原傍紫霄三
朝身更健八督勅初招竊喜平泉近無嗟絳帳遙
東閣金甌卜西園玉署清老棲阿閣鳳歡動上林鶯夜
火談藜杖晨厨試御羹遙知退食罷扶杖便吟行
潞國神如故溫公樂不支黃扉初賜第綠野盡穿池捧
日丹心久憂時白髮知嘉謨將入告隔夜牘頻披
總以人爲樹都驚眼不花有才呈必驥無足不添蛇鼎

兩陰陽燹壺中日月餘擁書千萬卷不數鄴侯家

制府東南久延賓館閣開評詩收沈宋得士比歐梅山

愛棲霞去門容野鶴來謂袁子才紗籠題壁處積久不生苔

為近恒春苑常添太液泉花唯三品石柳放一春綿身

作中朝柱囊無外任錢蒼生通共祝但願福如川

並少同年在真成晚節香位高心愈下處熱意偏涼

御製常催和奇書出舊藏總因圖報國忘却鬢毛蒼

芝蘭皆國器玉樹繞天池謝傅臨棋局山公倒接籬進

宮容跨馬下殿許扶兒我本登龍客還思御李隨

鳳翹朝陽日龍翔集景雲英才原樂育器識必先文公奉

命教習庶吉士甫到館即以土先蠟燭三條限蠻箋十器識而後文藝為訓時推名論

樣分片菲承雨露挾藻競繽紛

文章師賈董宗主得荀何夜雪門前久春風坐上多股

肱諧喜起元首載賡歌從此休光炙論詩得屢過

哭亡兒汪官用東坡哭幹兒韻二首

自我來京師前後得兩子洗盆見頭角嶄然已俱似後

得半月殤年未登家史最先得汪官譽兒真不恥時時

不離膝攬鬚迎笑喜我每自外歸排門便呼爾豈知三

月病亡纔兩歲耳哀哉痛入骨那禁淚如水

維時正除夕別歲我已忘臨晨請禱回兒已奄欲亡病

妻抱而泣一慟起扶床猶待分壓歲蜀人年終以紅繩穿錢繫諸兒襟帶間謂之牽衣始仆僵庸醫坐滿室脉理何能詳安得飛蓬島為覓回生方竟隨二豎去使我裂中腸圖復何益空令此心傷

再用東坡次葉濤見和詩韻

我兒喜弄書不識亂翻耳倘長誦六甲定驚裴長史卽今任拈筆塗抹不禁爾他時草凌雲要當屬此子豈意緋衣名已與長吉似早知命不延功名亦逝水但留吾犢在農耕亦足喜何必定讀書力食未為恥

汝母久病脚常抱兒卧床自兒捨母去母病奄欲亡強

起理葬車中野遙相望倚門思我兒狀貌記不詳我欲挽慰之未慰先自傷况汝父素羸能不俱斷腸繞膝不見兒仰天號欲僵歸來見遺物愁思忽無方

感興二首

起草 金鑿氣吐虹孤羆人說坐深叢大鵬已看翔雲外小鼠何勞鬪穴中身後茫茫頻問卜目前咄咄只書空歸來萬卷縱橫甚自此全教付蠹蟲
從今閉口再休談世事經過徹底諳失意韓樊羞等伍得時韋杜近魁三心知朱紫傳聞懼話到青藍授受慙
若道文章原有價向來落筆頗思覃

明妃出塞圖

為編修鳳芷堂作

漢選明妃入掖門寧知三載未承恩臨行尚得君王顧
空望瑤階拭淚痕蒙塵遠適呼韓國雲垂四野陰山黑
貂裘匹馬真可憐執鞚胡兒掀帽立和親此去委胡塵
絕域難逢內地人相隨只有宮中月猶向天涯照妾身
從來艷色偏招妬當時悔不千金賂自倚蛾眉絕代無
此生竟被丹青誤曉來邊雁叫離羣聲斷琵琶不忍聞
青塚有魂歸不得淚灑巫山十二雲

王荔裳

國梁將之趙州送別得來字

自笑竒狂亦自哀相看懷抱向誰開宦途似我何時達

知己如君幾日來白璧自當歸趙地黃金應更憶燕臺
莫教壯志銷磨盡 盛代方需濟世才

丙戌

和程芷南

湘席間見示舊作韻

共對青燈語夜深雲山相憶幾光陰知君珠玉多新語
為我宮商誦舊吟韞匱好沽求價寶空囊已盡結交金
相逢細說年來事莫怪危言欲正襟
落日春城伴侶稀欣逢佳節感芳菲酒腸別後嫌君八
詩骨從前悔我肥頭上花枝晴壓帽暗中柳汁早污衣
請看燕子來媒日借得東風便試飛

沈利羊毫筆歌

沈利作筆世無雙，截玉爲銛銳莫當。貯雲藏霧纖毫裏，
出手肅肅生秋霜。從來羊鬚埒不得，無乃叱自初平石。
山間老穎不敢窺，疑是金華洞中客。制成作字如飛龍，
學士珍重藏裘鍾。我道宜行不定楷，只作柔毛問價買。
芷塘以醉蟹見餉，率賦三十韻。

休沐苦透遲，退食常頓憊。未得半晌歡，能謀幾箸噉。結
思尊鱸久，素嗜魚蝦最。朝驗食指動，夜獲朶願卦。故人
知我饑，使者餽予拜。輪囷出尖團，郭索露桓介。執穗罷
朝魁，登簿已親酌。擎去蘆花斲，攜來椒葉蓋。乳融白玉

化殼壓青銅，敗沫冷餘夜。霜臍暖含春，靄纔分半勺。啣
先貪一嚼快，鎔腹未成沙。鏤酥不用臈，江風入座腥。河
雨傾槽沛，簇簇釀橙餘。昏昏夢稻外，真堪甕下卧。絕勝
門前掛想當，伴月居風凜。聞雷誡敵虎，氣何猛。夾蛇才
亦大，兩戟終成降。五鼎遂蒙害，怒目竟何爲。橫行定誰
賴，輸與採捕郎。擔作街衢賣，納於皆醉中。使爲獨醒戒，
緣知途太艱。始覺世愈隘，嗟予墮名網。類爾一冠帶，
名冠帶並少微官熱。空多密友怪，孰肯見餽遺。今乃獨沾
句，臨愁恣細酌。斫雪助粗糲，兩手持有餘。一洗愁無奈，
豈唯渴酒渴。益用搔詩疥，太元徒紀揚。爾雅亦誤蔡，短

重山詩集 卷八
篇有微詞留待識者會

遲荔裳不至

西窓特爲故人開百種忙時亦暫迴爲報月輪休更照
今朝幽屋有誰來

送王荔裳

國梁

歸錢塘六十韻

曉來忽黯然月挂河橋樹蕭蕭薊門柳故人從此去憶
昔識君時各抱國士遇瓊枝亂草中秀穎茁天趣有如
對醇醪未飲心先醉看君氣凌雲宜直承明著暫爾息
鵬飛知非子所怒相與纔浹辰白駒已難駐飄然趁飛
鴻一別淚如注頗聞客吳苑扁舟蕩容與復聞滯舒城

寒氈坐蔬茹三年秋雨中夢斷鶴廳署今春闕禮闈奇
才復飛翥白袍如鵠立佇望列子御遲遲獨不來恟恍
難爲據童僕忽傳呼行旆城南任塵昏街鼓晚掛闌入
門遽未得通寒溫先喜顏色故爲言去後思正如君所
慮連歲涉風波餬口未曾饘大樽浮江湖豈是五石瓠
兩見厄登門竟成涸轍鮒何處覓黃金空餘一紙賦不
逢伯樂過何能逞驥鬐矢志誰當羞額蹙無所措我本
金閨彥向隊日相响鳳池不使居文字吹毛麒麟送
樊籠問爾欲何作巷南與巷北比隣不數步分韻占鶴
鳴調琴薦蛇附夜燈抄岐伯午醒烹日鑄邇來掃東閣

懸榻爲徐孺有子通一經十年纔就傳惠然許我來丹
鉛點訓詁豈唯蛾子術益得他山助人情憎太熟世眼
逐修媽所謀百不遂更遭飛語妬對面皆仇敵豈免瑕
疵懼以此中夜嘆心事紛若絮富貴雖浮雲守株安冀
兔功名雖聽天奮飛難逐鷲矧見梧葉殘松菊思荒圃
旣來不須臾又欲了嫁娶安得霍子高苦勸公無渡離
合本無常萬事來胸臆嗟吾漸衰耗早覺日不如才得
升斗供已屬形骸雇只如辛苦蟲那似風標鷺文繡非
所願所貴沒世譽喜君有傲骨氣性出天付聲勢一觸
目對之貌如塑天涯誰知已一諾重季布人心真如面

要在金石固知子磨不磷豈復畏鼎錡今君何不情一
帆借舸游驛樹遙相望烏帽沒復露西湖佳麗地梨花
青旗沾回頭應念否嚶嚶求友聚勉爲踏歌詞聊以當
餼賂夜雨聽何時北風但延僚

移居看雲樓樓爲梁家園特勝同部郎中劉竹軒
秉恬有詩因和其韻題曰看雲者余家樓原名也

信是遷喬出谷幽林塘勝處價難酬垂青莫嘆來過少
滴翠偏憐往事悠樓爲李少農故居名
滴翠園今皆圯廢霜倒菊花全覆
砌風凋梧葉半侵樓旁人若問思家意爲說痴人記刻

舟

題采桑圖

春樹芸芸三月暮東晴西陌皆桑樹春蠶蠕蠕蠟在饑
童稚相攜采桑去大兒登梯剪青葉老翁仰面覓衣接
小兒上樹撻且便下有人欹荷擔立桑底兩兒未知事
或坐或立牽衣戲日落烏啼人未歸樹影橫斜亂青翠
田家蠶事一春忙贏得枝頭綠滿筐安得此圖掛琴堂
無奪民時桑與秧

送編修趙雲松出守鎮安

玉堂揮翰究推誰二載螭頭四海知自古詞臣多出守
況今才子最能詩桃柳樹底行苗步薜荔門中謁柳祠

莫遣瘴烟侵鬢髮他年燕許候摘詞

送侍御王德圃啟緒巡視南漕

臺臣啣命理漕舟驄馬臨江氣似秋天賜一旌巡衛水
風高千艘下揚州紅橋多為催糧泊綠樹何妨載酒遊
聞道官梅動詩興可能折贈一枝不

丁亥

病脚

吾年三十五諸病嘗幾遍四體苦針灸所仗足輕旋邇
來亦不赦躄躄難自便始如炊甑蒸漸似爐鞴煽癯瘦
忽生脛曳輪傷折趺雨氣燥如膏陰風攢冷箭蹠盤溫

裂裳包裹費殘絹扶攜乃一顛匍匐就三咽祇可坐叅
禪豈堪趨高宴以此深閉門時獲親書視椒艾雖日佩
香多價亦賤薰澆刻不停脚跟終不轉但恐甲煎淺無
助馨烈薦何如室有蘭氤氲長弗厭君看捷足者得毋
稍健美紛紛奔馳中鈍骨何由變書此以自警庶免流
俗見

奉和少宰何念修 逢信 堂廳藤花詩

清絕人間占一枝風流前後此軒墀藤花為前明吳苑
菴先生手植先生
有咏藤紅英皂莢紛垂日想見先生坐判時
鶴廳曾長六卿班花月清談總未閒今日風光誰管領

人傳啟事舊推山公以選郎直遷少宰前此未有也公
有句云曾從粉署為郎日看得水廳

啟事時人
傳為佳話

清珠何似似含苞 蕊尊尊葉暗交斜掛紫雲如尺護

因風走上老槐梢

花欲留香接藥欄曉烟翠嶂戀輕寒也如宋相當年事
金帶圍邊好共看今年藤花開最久
直接芍藥之盛

秋海棠和徐大 德元 韻

嫩蕊嬌愁傍畫牆幽人移玩坐匡牀半酣只為風情醉
不睡多因露氣涼簾捲恰宜苔蘚綠杯啣能佐菊英黃
纒繞春放垂絲好那似孤寒氣味長

戊子

憶昔行

送合江令蔣時南文奎渭南人

憶昔逢君揚州城然諾直欲千金輕馬上論交卽千古
眼光對我秋江明星斗無端忽南北南鄭城邊別不得
自攜雞酒話離愁日脚欲壓華山黑豈憶才名三十年
鄭虔還坐廣文種一朝擲筆騰空去十八瀛洲春宴還
竭來謁選驚老醜白云折腰爲五斗踏遍天下今更奇
劍南山水落吾手我方卧病辭承明林泉之樂思至今
他年拄杖爲老民花柳村中聞好音

西園偕中翰王

嵩柱

直宿

園林雨初歇蟬鳴槐樹陰斜陽一以下微風來相侵亢
懷思往古幽思復誰尋女知今人居不有真知音

中秋與唐堯春

樂心

丁看雲樓

牆頭古木靜無風露砌殘以尊此夕同天到秋分雲不蔽
人逢氣爽月當中練明豈掩林端魄繳密偏憐塞上鴻
平久夜深涼似水却嫌歸騎太匆匆

古詩送洗馬宋小巖

鏡

出守衡州

落落巖邊石悠悠山上雲豈不感同居出處忽以分故
人膺劇郡告言駕在門攜手上河梁我私聊復陳吾黨
居清要所分清與渾渾者思肥已清者思保身與其失

於宮無寧安於貧利乃義之反福乃禍之根前堂肉鼓
吹後堂絲竹喧縱不思傾更豈不傷慈仁丈夫思經國
前賢皆可循儒者一及物甘膏如飲醇專城亦足樂矯
飾何足論衡湘多芳草採寄莫嫌頻

送學士章約軒謙恒視學山左

出典文宗任最尊同年讓爾首承恩蜀袍學士方辭院
魯國諸生盡在門學術總期歸有用游談切忌戒無根
大明湖上多秋柳只恐詩成又斷魂

悼僕朱貴

捧劍從余久擔囊稔爾辛死為無主魄生是愛才人黃

耳悲千里青衣負一身城南高上望不忍見孤燐

送蕭大超羣倅山陰

本為里客偏在異鄉親家山難為吏官貧易傲人草
痕千里暮柳色一鞭春此去山陰道千巖萬壑新

勝情

夜行得月

黑夜不得炬路雜草縱橫寒鴉作鬼泣吠犬如豹鳴月
乃憫我困推出一輪明漸分村樹色稍聞人語聲僕夫
辨前路但擇深軌行閃閃林間燈投宿諒有程馬知欲
稅駕蹠蹠何輕漏下始得店洗塵領香粳舉頭謝明
月一飽天所令

過牛關山

昔日過牛關山翠滴清曉今日過牛關山色翠如掃乃
知山靈本無心妍醜各隨人心擾君自愁容不看山返

怪山靈見君惱牛關西復西竟矣知牛歸惟有犍爲路
歸志尚依違寧戚魯歌丙吉問窮通大抵皆關運他年
老子出函關誓擬隨他不擬還

順義道中見杏花

二月風過草萌芽一灣柳港聚人家醒園本是吾歸處
却向盤山看杏花

密雲抵舍檢點行篋見先大夫丁亥除夕賦詩

二首因憶戊子除夕之事爲之默然敬依韻追

述之

魂飛一騎出都門汗濕羊裘體不溫敝屣功名何足問

破巢身世更無論千家自放年終爆五鼎空留日後尊
今夕捧書遺澤在吳天何以答深恩

苦信驚聞旅館門盈腮熱淚拭來溫人情洵洵寧堪料
天道恢恢好細論甲煎誰燒香滿室辛盤獨奠酒盈尊
回思守歲邊關夜正祝天年報 國恩

望髻髻山

何年藐姑仙遺下倭僂髻高蟠半空中髻髻女媧制一
徂化爲峯歲歲里人祭雲鬟晞風餘石髮濯雨霽烟染
遠山眉霞拖照水袂似將奔月宮如欲朝玉帝適當變
輜巡禮重沈與瘞四海盡奔趨香幢走龜筮我方頭如

蓬回垢貌復儻對君祇自慙遙知不屑髻他年擬入山
披髮自茲逝

望盤山

奇絕盤山一望中金花銀草燦晴空巍峩宮觀何輪奐
苦我香鞋一老翁

宋錢歌

并序

平谷城東紙寨村民掘土得宋錢兩甕皆自太
平以下至哲宋紹聖以上年號俱草書適時地
屬幽州不知何以埋此蓋寶泉出亦有時也因
作此歌以紀其事時乾隆三十四年二月十六

日也

夜夢有神向我言青蚨無數將騰騫朝來童子走報我
阿堵萬貫來顏垣我聞竟與貪泉似口雖未飲心先醉
遣奴換得數緡回篆文一一鍾宋字憶昔宋錢法宗祖
輅帝一準開通譜太平天子賜草書紀元首冠前無古
嘉祐以下圖尤密逃盜難邀寬法罟自從荆國亂乾綱
輪廓不便紛朝章免役助役何擾擾愚民失所多逃亡
爾時此地非中國何事流泉來此域得非新法逼使然
爲叢驅爵皆投北投者大都半商賈後來國虛寃爲虜
何不早聽閔子言仍學魯人爲長府君不見平谷還是

舊幽燕古錢猶帶青苗土

雙槐行

紙寨寨西雙槐樹鐵幹多年飽霜露空腹能容數十人
幾遭秦火根愈固村人指點爛柯南上有金背千年蟾
行往天炎禱則應一鳴大雨禾苗霑我聞此語詫不已
陰陽有時豈關此海上驪龍睡方熟狐媚直竊其柄耳
君不見漢苑宮中六百株晝聶宵炕因時敷玉燭調和
天下俱何怪雙槐榮與枯

崇正鐵礮歌

并序

平谷舊有鐵礮四長六徑一寸分鎮城構歲久

城圯寄古寺中上有御馬太監杜勳及蒯遼總

督吳阿衡順天巡撫陳祖苞監製等字為崇正

十年十月造因作歌以紀之

漁陽古郡扼要地箕尾分野析木次何年突起百雉墟
重樓直跨飛鳥背中有鐵礮欹刃斗插架各鎮城門四
鍛鍊無乃尉遲爐礮錯不假泰山礪當時鼓鑄知為誰
天精下視雷公避鎔成費盡司農錢千夫打壓此安置
捫尋竟日手生稜黑花鑄出崇正字監造旁紀吳與陳
大瑞杜勳董其事憶昔中原方鼎沸關獨左草亂明季
烽火如麻十七年宵旰頻憂九重帝深宮夜夜空收

棘門壩上皆兒戲就中竊柄惟闍童橫行即杖上方賜
日殺無辜報天子賊指山西關不閉軍中消息傳未真
祭文親得君王製豈知人上李陵臺蟒玉鳴騶方得意
黃巢血已染長安解甲紛紛各歸第反作縋城說降客
我曹原為富貴計可憐無闕一金甌社稷身與山河碎
地覆天翻日月移空擁泥沙拋野寺掣肘還思未放時
隔朝猶帶硝磺味嗚呼此曹何代無聖如莊烈猶為愚

蝮蝶詞

蝮蝶復蝮蝶去歲南園草間見翩翩日逐厚子遊百花
香裏魂猶戀今年知我在邊垣飛飛異地來相唁忽如

羈柙萬里人足音倏喜逢親中吁嗟子命苦荼苦少年
頗驚文采絢聲價欲貴滕王筆夢寐肯趁莊周變卽今
那復誇粉腰羽衣摧落形骸賤東風夜夜吹鄉心故山
桃李開應徧芳草王孫歸未歸天南天北淚如霰

雙燕曲

梁間雙燕子翩翩雌與雄銜泥營新巢結構何其工巢
內生三雛孜孜仰食同出入不得停朝暮爲哺蟲殷勤
一春過兒體漸肥充羽毛初長成洗刷意尤隆呢喃使
學語引上庭西東舉翮忽分散不顧飲食供或飛入上
林隨鳳栖梧桐亦有膝下侍倦飛乃相逢雌燕望諸兒

啾唧守巢中雄者老更累餬口不肯慵脫翰侵風霜遂
受百疾攻途間遭其兒苦訴心忡忡公然置罔聞去去
任所從離巢忽不返母乃羅矢弓縱有三雛衆不救天
年終空使無伴雌孤苦啼命窮吁嗟此三雛罪大人誰
容有兒不如無仰天自搥胸

得家書

一紙平安報開緘帶淚看不知成永訣猶自勸加餐母
老思歸里妻愚懼解官可憐家數處何處是團圓

題吳秉仁雙鶴圖

吳生畫學李將軍花鳥沒骨自有神就中雙鶴圖第一

種內能寫青田真揭朝下簾臥清晝依稀羽客夢中觀
胡然白露滿庭寒雪影灑漉飛座右一鶴獨踣三山岑
俯啄直無滄海深一鶴如人長而立自愛毛衣方自戢
峭壁懸空似九臯長風謖謖驅松濤紫頂丹眸各有態
一聲曉唳霜天高此物出來性相警貌入生綃猶炯炯
遭逢不敢望乘軒萬里烟霄心未冷我令好爵恨虛糜
那復陰鳴子和之昂昂休說雞羣裏君特未見其父耳
感懷二首
仕宦亦何謂田園胡不歸半生妻子累一死友朋稀病
每無醫覓貧惟有力依道旁誰可憇流涕自相揮

一歲疲奔命千秋恨結冤人心縱如此天道亦寧論
鹿知今夢蓴鱸負昔言堪傷清白吏遺得子孫存

東關

無計拋愁閒又開東風招我出東關雪消崩道多停水
雲滿溪田爲近山青冢有人松寂寂綠疇無牧草斑斑
老民相告春耕及我本農夫未得還

與繆雁川遊萬壽寺和鄧大春韻

郊外連鑣聽鳥鳴招尋野刹倍多情石堵霜檜枝橫卧
泥壓冬花葉暗生客惡塵多思洗濁僧愁事少反嫌清
連朝拘守空城裏今日來觀六界明

遊春

無奈春光鎮日催依然連轡出城來
草抽細石燒痕出柳擁河沙水勢迴
野老偶歌孤樹看同人背指一花開
自因節屆清明近滿地烏鴉啄紙灰

水峪寺

茂竹叢林亦夙緣小亭一望便悠然
雲岑積有千年雪風磴涼無六月天
怪石能邀佳客坐清泉只許老僧煎
邇來陡覺登山健更欲捫蘿到絕巔

李花

與爾同根蒂飄零未有家如何叢棘裏也放一枝花
風

猛猶強笑霜攢莫漫夸
泣然為雨下傷類本同嗟

平谷見橡櫟樹

即蜀呼青岡樹也

此樹睽離二十秋一株忽憶故鄉稠
橡當夏熟鸚鵡至葉為冬燒婦女收
白髮不供筇杖倚青山難禁斧斤搜
年來聞道都成炭從此童山愈可羞

清明二首用杜工部韻

村榆村外換新烟上塚家家趁渡船
碧血遺兒空有淚黃泉見父恨無緣
百年魂自桐鄉祭廿載心應柱石憐
但覺風搖非樹靜可堪日麗著花燃
僕因恩重多澆酒鷓鴣為悲深不啄錢底事
蒼天留不得定教運阻已辰年

聲聲泣向太盤東地下寧應告耳聾烟景無邊今又到
天倫有樂昨皆空慈烏反哺情何異精衛啣冤志本同
絲滿三春望烟草紅愁二月如霜楓身慚走狗鳴雞裏
心痛呼鳩語燕中間道故山營爾室應知贅世早名翁

重經大悲菴有感

再來蕭寺黯傷神風景依然似隔旬幻影泡花生死夢
鬢絲禪榻去來因雲烟有態徒過眼天地無情不庇身
到底虛名竟何益如今真是大悲人

白河

眼底清波淨俗埃沙橫畧約踏蒼苔一雙浮鴨下流去

却被狂瀾倒送回

重過北路廳

笑見沙河涕滿襟九原曾此竭丹心碑如羊祜爭垂泚
詩似王褒欲廢吟遍野春暉仍爛爛近山雲氣自陰陰
去年瞻拜庭闈處惟有悲啼遶樹禽

沙河經明謁陵行宮

百雉城頭長綠蘿五雲屯處鬱嵯峨玉輿不見從天降
金甃遺聞出地多月暗平林趨鐵馬風淒荒棘泣銅駝
鈐山老猾今何在休唱朝陵駐蹕歌

嘉靖九年嚴崇始議築城建行宮于此以爲展廟陵墓之地故高上朝陵歌有此地今爲駐蹕村之句事元世宗實錄

湯泉

湯泉非真湯乃是造化鑪北冥苦沉寒膏沃陰為儲料
取明河水倒瀉仙人壺五行秘不得蒸氣上縈紆深深
自無底一竇見澄湖濯浴喜自便炊爨捐樵蘇扇戶不
肯放白玉嵌盆盂瀏瀏鳴渠聲似轉井輓轆解衣沐磅
礴有如鷗與鳧一洗百垢身現出雪色膚風痺入骨疾
忽如帚埽除安得千疲癢坐此姿自如博施兼濟眾涸
暖遍窮廬

憶編修祝芷塘 德麟

與君同詞垣文思爭天巧偽體歸別裁流傳役江鮑當

時俱少年氣壯思逞狡交盡天下士曼睞夸娥媼騷壇
互逐角各各競媚姣就中君最狂我輩中佼佼風燈一
瞬餘稀散星與昂碩果二三子同盟復自撓今君在金
閨錦繡出金鉸而我泣窮途蓬頭雜山獠清官無一錢
稚子方饑餒詩書救不得眼看侏儒飽飄泊四十口噉
嗽祇心攪行當歸去來眷言想鱸莼一生好直率無禮
恐類綾君如問我踪泥上覓鴻爪

憶中翰程魚門 晉芳

當代著述才髯翁 帝所簡五百文撐腸萬卷書在眼
濡毫中書堂鴻裁多手撰風颯推老將登陣氣自憫觀

童山詩集卷九
其筆陣雄大蘇名無赧典籍互紛亂苦由後人彛君獨
一手定綴補羽陵東縱橫叩石渠真如肉貫串三長侍
天祿四海走碑版至今天下士踏破鐵門限我雖竊虛
聲其實豈有睨乃復忝商權談詩共杯棻攤錢向書帛
載歸如蝨蠹灾梨多近儒大半遭削剗有時雜齊諧命
人一笑莞千載定誰傳一个我先揀

憶侍講沈雲椒

初

少年愛交遊兵越走迨遇高明仰休文喜得御元禮
渥然見宏度千頃波瀾瀾我父神明宰多士正濟濟冰鑑
一賞拔糝糠出玉米南北條睽違世故皆大抵後先登

薇垣紅藥看萋萋癸未大羅天聯名上丹陛玉堂多春
宴文字相觸抵八磚坐慵懶改銜拜恩慙豈非畫葫蘆
依樣少根柢經綸一日長喜我山公啟昨顏忽不懌見
我類有泚師恩猶在口遺愛相對涕他人或不解惟君
深識底可憐畏人知兩袖清如洗

憶學士韋葑軒

謙恒

人生天地間大抵溷塵拂獨君光明胸卽心遂悟佛慈
雲主利濟毀銅意不偏遂致失兩大囊空無一物昨君
掌北門鰲頭高岌岌清如一條冰食已無須乞如何闕
里地金人起忽岷瀦鑑應平衡莫使堯藩屈韓愈關浮

屠北斗仰誰弗今君選佛能選儒寧獨不君有韋陀之稱時方視學
軀我方讀蓼莪欲廢伊蒿蔚苦海出何時過去好湔祓
應借寶筏渡不煩親執紼軒駟滿京華文彩紛綴芴不
見古先生予懷徒鬱鬱倘遇白脚師寄訊話初訖

懷庶子褚左梧廷璋

聞君掌蘭臺銅樓日校勘自非採春華何以芳芝答和
詩同館喧作賦挑燈暗以我為長劍擊賞無乃濫京師
盛宴遊催花羯鼓摻豈無文字飲紅裘解開纜而君獨
不聞趨朝日已盱每逢下清班螭頭語纔暫去歲罹奇
慘悲火煎似燼為君述其由白圭復且三先君死勤民

大夫壁初瑤墓誌得鴻筆歸待伐石鑿君曰應我為搖
筆意殊愁君看報國心天意竟摧陷因之悟微名畫餅
不可噉行當歸杜門守我素恬憺

憶侍讀吳白華省欽

前漢循良傳龔黃見伯仲愛民在捕盜捍害等捍截古
直推馬遷談議本街巷我友執彤管董狐不足替大筆
如椽樂飛向天門雁又似金城堅攻臧豈怯輜杜門懼
浮言常若罄予降有來斛米投警鐘以筵撞昨聞先大
夫忠魂氣吐虹飛輿卽過我門已懸雪幢矣我先銘詞
翻閱眼初覩滔滔讀一過有頽雨瀉滌江海首去暴兇

脫少賊臙此而不紀載石室可衝淙茲言起幽靈堪愧
俗吏悼子孫雖清白猶當事耕糶

憶給諫丁芷谿

田湖

前輩留典型風流惟給諫我見真嫵媚人怪頗疏慢暨
自瀛洲還物色已歲宴無因敢投珠按劍恐相矜眼青
一盃餘密邇遂勿問徵歌興益豪論詩或強扳有時呼
博塞蕘菜咄嗟辨芷谿宴客肴有菘羹甚美故有咄嗟句從來名士狂多
為神所媵三已色不愠一跌吁可患鱸魚苦思鄉老馬
還戀棧總為報君恩非圖自酣豢嗟予苦命垂全家
仰薄宦飄蓬忽入雲浮泊類葭亂昨者到京師欲訴先

使覲共談十年事絕似泡影幻俱是未歸人極目天南
雁

憶翰林沈南雷

士璋

鷄雀栖枳籬鳳皇翥雲采羽翮同生身分飛不相待昔
年遊餘杭負笈從師在見君軒眉宇氣壓海昌海阿閣
不同巢自顧覺形猥歡見春風坐復此叙寮案我如墻
頭草春過已萎賸君方上苑梅凌冬初吐蕾龍門雖晚
登大器調鼎龜昂首赴天衢猛力應十倍曳裾不到處
要津據每每欲為已階梯暗中摘爾罪回頭負鹽驢行
行向堰魁君看擾撓塵閱來已十載雲雨互翻覆物態

逐時改此際不警覺途窮泣無乃

示舍弟龍山臨右軍法帖歌

古人論書首八法龍蟠鳳翥推蘭亭奕奕風神不復見
真跡留得籠鵝經嗟予少年有酷嗜一掃百紙何能停
弱腕恨無羲之鬼日月消磨煤與瓶濡毫纔與塗鴉似
媚趣難乞王家靈有如媠母施朱粉倭傀豈掩籛條形
今汝亦復描與畫汎愛未得真典型筋柳骨百不講
宋寒李俗無分町胡不細領三折筆中有神工驅風霆
天令泄秘傳人世幸未追攝煩六丁汝生况有長指爪
刷字定見親發硯銀鈎須要以力屈臂筆豈不由雕翎

但恐通貌不通意徒摹外美夸嫫媠試看百工各有技
居肆刻志門常扁當其巧奪五花錯真宰往往悲青冥
不見前輩學此藝衣帛先染方殺青繭絲牛毛入精細
半塗肯廢如斷陁方今衙齋苦羈滯並聚何異沙中鷄
喜汝厭囂自苦學隔離不復來前庭續我平生不會業
寫遍樹葉愁飄零野鶩家雞皆可厭指南豈惜千丁寧
袖手觀罷贈長句聊當座右爲汝銘

示舍弟龍山止酒詩

爲聖爲賢總禍泉閒來須讀養生篇笑他屣殺劉伶婦
不是區區爲酒錢

月夜有感

溶溶月色碎鋪堦樹影冥冥一院篔簹
凶吉愁看來座鵬
公私開殺滿池蛙危如髮引千鈞石迫似身臨萬仞崖
我本纖毫塵不染底須明鏡照人懷

自密雲回京

陰雲四野黯天低細雨惺鬆釀作泥人正歸時花已落
天當春盡草初齊纔看漏日翻鴉背便有輕風送馬蹄
隻堠道旁應笑我長亭又見好詩題

宿三家店

古柳圍村落茅簷暫解羈雨知隨客歇月不共家圓夢

裏悲蝴蝶歸期憶杜鵑天涯無限淚流盡不成眠

將至平谷有懷舍弟

弟已歸南去余今又北征不堪狼狽態更抱鵲鴿情浮
跡萍無定風來樹有聲何時能返轍與爾耨而耕

石匠行

有翁折脚啼道上皮肉淋漓新吃杖如狼差吏驅出門
不許攔街呈訴狀旁人指點翁來因舊是南山伐石匠
問翁胡為遭鞭笞眉皺胸填氣沮喪往時縣中例立碑
去思德政屹相向不知有益黥首無名謂卞棠何足讓
十字市口樹如林幾欲斲盡青山嶂自吾祖父供此役

日往高巖親度量車輦夫扞百不停巍巍鰲戴萬人仰
立時官府顏色歡給賞纔足沾村釀此項名爲里下派
何曾一家解索償而今室內無一丁只餘老身權補放
字刻青天過手多至今名姓半遺忘朝來新令初升堂
便有循聲千口颺不卽鳩工垂不刊龔黃未兔心怏怏
昏夜傳呼急於火天明縣前聽點唱可憐蕭條一細民
囊橐無錢倩誰餉今者稍稍愬私情拍案立即遭考掠
君看腰間錘與鑿薄技隨人無地葬但使官名果不朽
身雖餓孳亦何妨

窰戶行

洵陽城外逢窰戶面目黧黃衣藍縷見人自指腸中饑
唏噓欲說頭先俯自言本是村中農薄田不足療貧窶
聞道縣官方築城磚甃所需億萬數手胼足胝力能爲
人言利可壟斷取雞鳴豈惜孳孳爲踉蹌首自充官雇
窰竈直入九地深引水乞得蛟龍吐積薪欲與南山平
洪爐日夜雷風鼓鳩工輦運動成羣嗷嗷索食一何怒
皆云頒出水衡錢暮四朝三待分割豈知命窮天亦忌
屢聞縣中換官府凡百工作俱飭停國帑封固動不許
可憐物價皆稱貸索者日日叫阿堵何嘗博得溫飽資
翻爲官工守不去卽今散砌堆四門漂流頃刻愁山雨

已成不見料直酬再失何由買充補無錢坐食山為崩
殘冬漸已過炎暑昨聞監司經此地攀轅伏訴逢猛虎
零星壞甃偶拾遺反以盜賣遭笞股請君看我窰中人
十人去者已得五眼看麥壠盡雙岐反羨耕農得其所
勸君止此勿復言我亦為此留茲土

此詩見於童山詩集卷九
其言曰
童山詩集卷九
其言曰
童山詩集卷九
其言曰

童山詩集卷十

綿州李調元雨村

已丑下

立秋日借樂定翁鄔廣文繆漚川東臯村觀蓮
今晨晴明掃宿霧新秋氣色浮眉巔風流賢宰走報我
為言東臯饒紅蓮廣文先生發高興攜榼招看無停延
並轡同趨花世界紅粧萬朵迎馬前不知錦幃長幾許
但見十里翻田田淩波步襪相貢媚各房珠子堆聯駢
自剝冰丸雪濺齒頓覺涼沁無炎天坐飲琵琶興未已
早見深柳催鳴蟬牆頭主人復不惡土簾泥屋張綺筵

君看礮車雲欲作，倘歸不速波掀船。速題長句追清賞，他日記取重來緣。

樂定翁以蓮子茗見餽二絕

撚髭枯坐正沉吟，忽得瓊漿碧碗斟。此意非君誰識得，如今最苦是蓮心。
長慚地主有虛衷，舊仰壺殮授館中。解道清操冰雪似，可憐風味不如翁。

大風行

砲車雲起風欲刮，噫氣遙從土囊發。千里銅烏動地來，敲破千林玉聲戛。須臾勃怒鼓衆籟，勢如焚燎不可滅。

舍卒豈有鵬枝搖，造次旋看白馬鏃。方春太皞正乘震，百卉含英向陽萬。不雌寧遇大王雄，吹萬還起青蘋末。胡爲飈忽來，無端大木連根亦遭拔。金鴉初騰忽反舍，石尤得令防傾軋。東君縮舌亦無權，豈救桃李柔姿折。我時養晦深閉戶，薄寒射人如箭筈。看他終朝聲不寧，簾揚畢竟何時歇。

今夕行

今夕舍弟勸我酒，知我四望寡朋友。銅盤燒蠟日吐光，酒酣拔劍蛟龍吼。檀州城南多老鴉，曉來遶舍爭啞啞。我起更衣舍弟立，滿天星斗河漢斜。問我曰：歸定何日。

塞上哀鴻正求匹不如奉母共歸田入山何須婚嫁畢
相攜聊復牽君坐天涯我亦愁無奈蝸爭蠶角安知羸
雞助功名豈堪唾君不見張儉無家復無親范滂母亦
非恒人古賢爲善尚不可何況作惡非爾我

今日行

今日不樂思故鄉廉纖春雨沾衣裳撲人亂點花風香
徘徊出入空徬徨憶昨年如小犢黃戲接泥孩著襦袴
高堂大笑億千場今日顛蹶如跛牂藥裹支病須扶將
夢魂夜夜歸梓桑彷彿侍我先人傍覺來兒女趨成行
怒索衣飯啼兩廂青雲之交俱棄忘乞憐顏色低不揚

奴僕侏視身方昂室人交謫空憂傷而我醉後猶顛狂
城邊潮河聲湯湯恨不傾入壺中嘗負券百以無一償
肯顧啾啾短與長

別侍讀吳百藥肇元

人生樹上花方開卽已落又似竹初成便有風吹籜君
獨明此理養晦安寂寞以此陳老病閉戶自煎藥春來
扶杖起春英已滿閣客至定何人無非覓殘酌有時燃
明燈高軒縱六博粥粥晨雞啼九衢車馬錯而君日三
竿睡足衣嬾著君看先大夫精神頗矍鑠良過卓魯
年纔半百約豈知筋力虧外強裏已弱山隕泰安仰木

隕巢安託顧猶羈異縣何異燕處幕樂極反成悲愁來
忽如瘡憶我金石交長歎中夜作

別編修王詒堂

燕緒

別君纔如昨流光已駸駸往在太史院暇即過攝飲繞
座雜優伶醉倒便長吟憑陵呼五白扁門絕窺闥靡夜
不上元未怕金吾禁共謂樂無極馳驟方傑傑豈意升
與沉同荷家督任君為中丞後門籍猶勳蔭顧我孤兒
行一塊卧孤枕由來懷晏安箴戒等毒鴆蹉跎不知年
遂墮龍蛇識昔作水中魚漉漉忘惟寐今為轅下犢喘
舌白吐語縞紵滿塵寰無一來相臨所遭均如此其實

亦太甚煩君玩此篇淚如綆縻啗

別水部李隨軒

廷揚

從來雅與俗嗜好區酸醜我輩各有志何必相與咸憶
昔初識子情通先以緘滄洲酒滿載走遞開瓊函香名
固早飲豈祇麴車饒我父牧君邦顧畏凜民弟澹臺不
至室正氣欽巖巖况復重俠義千金一諾嚴濟困不待
告如果投餓獮十載困冬曹爛醉不受銜員外縱新得
反昔琉璃監君時為琉璃監督我今脫官繫家思翻難芟心懸
無所薄搖曳風中縵倉皇謀三窟笑問何如龜聞君五
湖志何日張烟帆悲哉命蹇者西往獨颿颿

別檢討李琪園

鐸

束髮事詩書丹鉛銳意刊不知重校讐所述俱可刪寧
 知有慧種天聰未易扳不著書一卷遽上玉筍班擲我
 古錦囊已窺豹一斑問年曾幾何約在笄字間以是窮
 剗刻真宰寧得慳我故終閉門對君懼羞顏枉駕昨見
 暗譜誼切痼瘵索我紀行詩哂笑貌似訕百哦不轉睛
 乃在古纏環余在平谷有宋錢他時不朽業黜勤煩乘
 閒我今百憂集夜如魚眼鰕豈謂窮而工但覺可憐孱
 人生如寄耳得失何足患悠悠身後名付之一笑顏

別檢討張鶴林

齋

張子脫畧人窮達無不可通籍十載餘家計仍軼軻少
 年美丰儀路擲潘岳果忽學范蠡術佐鹽鴟夷躬拔身
 龍蛇窟常恐利為禍折節齷齪紫袍堅欲拖竟遂登
 瀛顛珥筆上青瑣人在春風中和媚復安妥當具酒半
 酣解衣槃礴羸按拍歌偏能舞劍狂亦頗臨事乃介然
 終日神無情與我論舊詩篋破千束幾平生不下人今
 乃首肯我沉痾已連年枉顧怯赧赧君如憫孤笑寄我
 雲五朶

別侍御孟鷺洲

餘

與君年齒齊生辰隔卯甲氣如豐城劍寶光初出匣識

重山言身 卷十
五
面省試後並馬離劍峽連翻上金門元白君獨壓我時
坂青雲傲居同巷狹樓床雖各異對花酒容神分門爲
挈眷香閨避串狎爾時職綱曹熟精律例法掇去繡衣
郎豸冠高岌業昨歲去貴陽文衡豈承乏而我趨瑣闥
拜跪蔽鞅韜歸院柳邊逢握手輒忉忉歡娛復幾年
光熟羊胛遂爲室家累母心痛方捨行當約南村青疇
共畚鍤看我芳塘上持竿打水鴨

別農部唐駕浩

樂宇

我友天下才爲文脫脂粉奏議積如山插筆展奇蘊模
稜恥同輩往往鳴孤憤及其水石出利弊原包槩平生

話同心與我生相近衆口笑顛狂大半出黃吻但吸杯
中物開懷付一聽只宜謝賓客樞機在周謹君看茂名
人豈保顏如權我今百憂集日夜淚自投入愁出亦愁
誰散我心蘊知君舊癖萌塊胸高似弁有婦賢且能舉
案其牢香祇恐舞破甕典索到袍縕何時歸去來笑其
買山隱

別吏部王鎮之

汝璧

昔遊司寇門謬忝國器重引入虎皮邊下帷親講誦傳
薪每夜分玉膾出內饗君爲東床客鴻名屢小宋遠在
巴渝西未得紗帳其後先入藥籠鵬程一翅縱南院喜

同登師恩夢寐頌邇年臻大耋 天子方珍從吾黨
久不歸狂簡豈道統無物表拳拳祇拈瓣香供昨君還
嘉禾新詩寄一封鉛槧應已勸魚沉或致壅壅來居京
師談經開雲霧信是韓門弟俗解化愚惵傾聆未多時
世事忽變綜是非自分明何須再聚訟

題司務王雨菴

世維

字塢山房四首并序

雨菴淳安人 先石亭公丙子浙闈所得士候
補司務是年己丑春闈得第爲武進相國劉文
定公所知朝考以論旨有維皇降衷語疑爲關
節遂黜不用住韓家潭淳安館鬱鬱不得志余

將回南就辭之出其字塢山房圖屬題爲題四
首蓋以速其歸而戒其留也

淳安山水本名區寫入溪藤盡可娛試問何人名字塢
知藏居士舊書厨田橫海上餘三島范蠡門前卽五湖
是處逍遙皆可樂鯤鵬何必問前途
欵段今應悔出乘當年徒步祗農墜人情薄似雲披絮
天意渾如霧籠簪底事功名如火急轉教官思若冰凝
披圖忽動憐才歎草閣裁詩似薛能
數間茅屋下臨溪碧蘚蒼藤路欲迷此去可借禽慶任
再來莫誤鹿門攜世途無限羊腸險冲漢其如羽翮低

我亦明朝賦歸去亭臺雖小儘堪藜

嗟爾吾家陸氏莊清風猶見水流長那能鷓應三台象
空望鵬程一翅張君相果然能造命功名休矣且還鄉
子雲剩有侯芭在莫使傳經事渺茫

宿保定和編修祝芷塘同年送別韻
冀北空回首燕南忽失羣人辭清苑月馬望太行雲已
作歸山計虛傳報國文傷心薊門別惟爾最殷勤

題夏氏園亭壁四絕
短牆出枯桐古井有人汲野雀飛上枝驚落一亭雪
亦有小闌干雖矮尚堪坐忽見竹數枝寫出字幾個

有客茶爐邊繫馬柳陰下相看欲有言臨去竟無話
獨輪小車子天寒亦裸裎茶罷汗如洗軋輓復前行

過湯陰縣謁岳忠武王祠 并序

岳忠武之死世皆謂秦檜與萬俟卨輩釀成余謂不然此皆高
宗意也高宗為徽宗第九子自金逃歸北狩禍起即位臨安
育太祖七世孫秦王德芳後秀王偁子昉於宮中為皇太子其
力主和議也秦檜曾經三辭不許夫高宗豈不念父兄二帝哉
太祖不傳位於子而傳於弟世人多以此不平且燭影斧聲史
多諱語高宗豈不知之一傳不還以至徽欽被擒中原無主知
天心之有在也殺忠臣以成和議其後昉卒受內禪是為孝
宗後皆太祖孫矣所以順天心也若使父兄得歸將置昉于何
地乎故忍而為此為家庭計雖不孝為社稷計則大孝矣故于
岳祠特表此論

當年和議出君王大獄深宮實主張人謂冤如植道濟
我憐功可郭汾陽金牌十二徽欽死鐵犯千秋檜高當

童口言集卷十
要識高宗心裏事也應太祖嫡孫皇

過新鄉見路生必達求易名爲改名登瀛

最妨欲速達偏遲不是瀛洲達亦卑九萬里風從我起
雲鵬送汝上天池

新鄉縣白鶴觀觀劉海蟾丹篆歌

廣陵道人劉元英自言曾讀黃庭經朝來羽化忽飛去
名山處處皆留形新鄉城東白鶴觀丹書七字紅光爛
龍蛇飛舞蛟挈空萬古彩雲猶未散相傳抄錄須鉛黃
半紙可禦魍魅藏安得登登揚百本一掃人間狐狸狂
憶昔道人本膺仕忽從累卵悟真契解組直上芙蓉頂

拍手多言泰世事醉來峯頂自提壺身後攜琴碧眼奴
至今恍惚百千歲有人時說逢成都我今正爲官束縛
葛洪那許造其屋龍虎雖燒事已遲祇想溪田自栽秫
我聞袖骨天生成不須靈符能上騰倘謂仙人在丹訣
我亦吝象息飛昇

望漢獻帝陵在修武縣

高皇墓業危如綫鬼媼夜哭蛇蟠殿赤帝已盡黃巾來
天下唯難董公健羣奸草澤皆乘風可憐守府徒空空
夫勢已久曹瞞掌玩弄天子如兒童人中之龍孔文學
使君英雄更無猛三尺輕綃謀不成此非人爲天不許

誰教他日呼郗公牽衣掩泣泣成紅寸土已非劉氏有
魂歸萬古山陽中涿鹿城邊遺故宅狐兔爲羣鴉格磔
却看銅臺瓦上霜一樣荒郊秋月白

謁韓文公墓

在孟縣紫金山

孔孟相傳後惟公是替人九重爭佛骨萬里竄孤身論
語曾笑魯張籍祭退之詩有魯論未文章務去陳不應
推道學獨讓宋儒真

北邙

有生必有亡何獨此平岡粉黛啼黃上英雄聚白楊四
時多殺氣萬古總斜陽大抵山俱骨微高是帝王

石壕

澠水喚舟渡石壕剪燈宿何處催租吏又來打人屋

甘壕途中夢先大夫作

夢斷空山淚濕襟征途誰料有魂尋霜髯雪鬢驚重面
玉潔冰清話素心依舊蒼皇言不盡未分黑白恨終沉
何堪執手丁寧後猶自聲聲念翰林夢中報余復官翰林

硤石

崎谷雲高曉霽登居民架屋住層層山連熊耳趨三晉
阪折羊腸上二陵轆轤漸聞牛鐸近崎嶇却仗馬蹄能
平生夙凜垂堂戒縱履夷途亦戰兢

乞兒行

我行陝州十二月山雪河水野騷屑無數小兒身無衣
 馬前跪啼一錢乞我憐其寒細叩問汝曹胡為皆孑孑
 中有黠者手足拳似指似畫向余說家有薄田數十畝
 無收苦為遭旱魃老壯異鄉各餬口幼稚無能守門闥
 近聞 朝廷憐赤子給賑億萬內府竭朝來衢市看
 黃榜歡聲直與河聲埒粥廠遙開各浮屠趨赴惟恐門
 先閉不知官吏中飽無十人未得一放啜非無父母相
 提攜救已不暇寧相活自憐生在甘棠鄉枝葉於今剪
 拜絕留養雖設不能留棄擲道途誰見納縱復苟且免

饑號觸怒往往遭鞭喝一聞其言心悽惻救汝那無囊
 中物我亦天涯乞遍人艱難幾見心肝豁揮去哭聲聞
 漸遠我亦車中淚嗚咽

華陰廟登萬壽閣二首

高閣巍巍最上頭靈竒嶽色望中收雲推白日當線掛
 雨挾黃河入檻流三輔風光通指顧五陵佳氣杳沈浮
 年來欲學希夷睡懶卧人間百尺樓
 荷須天柱侈崑崙須信秦關華岳尊地闊古今九日月
 人從上下納乾坤鴻濛元氣青雲合縹緲靈烟白晝昏
 學笑探竒老韓愈藤蘿百丈手先捫

華州謁汾陽王祠

茅甍黃虬定河山赤手開萬人橋上拜單騎敵中來不
士誰知己中興仗大才雲旗何蕭漠日夜鼓風雷

溫泉

翠栢雲生繡嶺隈華清宮殿已成灰只今惟有溫泉月
曾見楊妃賜浴來

灞陵橋

昔日橋邊折楊柳行人衣上雨層層而今詩思渾寥落
風雪騎驢又灞陵

薦福寺

俗呼雁塔寺

雁塔荒郊翠栢枯雷轟碑碣到今無題名韋肇人何在
競病詩成屬武夫

訪唐人題名碑皆無惟此
鄉舉數碑各贊以詩而已

茂陵

紫星宮殿碧岩堯水咽瓊瑤恨寂寥內苑桂花秋月墜
歌臺蘭葉夜風飄玉桃不見偷方朔金屋空聞貯阿嬌
失勢惟餘陵畔石礪刀時復走芻蕘

觀音堂

是日過漢州張邦楷

咫尺巖關隴蜀分猿聲不住亂山聞店門人對千峯雪
嶺表僧歸兩袖雲新險何勞頻躡躡故交偏足慰殷勤
分明舊日題詩處不忍重題五內焚

煎茶坪觀瀑

何年白龍下掛在煎茶坪恍如雷霆吼勢若天河傾奔
林何決莽觸石復怒猗遂覺千山雨全無一日晴維時
冬方雪濺落皆碎瓊雲露噴未已凝作冰敲鏗馬蹄如
踏鐵僕夫愁不行而我了不顧但愛聲琮琤安得鑿潭
洞貯爲百丈清一洗熱中腸永無冰炭縈

新紅峽

衆山隨我來入峽忽相別但見天一綫微曦時透泄綠
蘿間翠竹細徑造幽絕小橋聚澄泓水底卧斷碣忽見
麕引子來飲驚一瞥余意類山梁中熱化寒冽乃知機

心盡物我皆可悅仰觀太古松上有六月雪孤雲動高
興散髮思巖穴倘有紅崖招便此杖九節

再題南星鎮店壁 果親王墨松

靈虬蟠不在忽向粉壁入自從撥墨來夜夜風雨急

青羊橋

忽聞介馬聲隔山馳驟至草木動鱗甲無風自恣肆須
臾破林缺乃見飛流駛汪洋青羊河澎湃何其恚如傾
萬斛泉奮激上人背石齒如劍鏑磨淬出廉利倘爲石
所別一躓便失墜吁嗟行路難坐穴猶驚悸

馬鞍嶺

首山詩集卷一
人在馬鞍上復上馬鞍嶺馬鞍二十四與我共馳騁筋
力已疲癯犖確反骨鯁一上復一下或睡或復醒馬蹄
生鐵蹄人面死灰冷黑景入轆轤白日匿光景石虎踞
兩旁人馬各相警納納大乾坤余胡涉此境

虎頭關

殘冬入棧來閱歷險無數滾滾上雲巒更值虎頭怒密
箐垂陰寒深巖散毒霧內外蛇鬪門攫人若奔赴滑石
累爲九浮梁裊撐柱水石交一線驚呼幸不仆崖畔舊
墩臺大蠹昔曾豎時清空戰場月黑餘古戍登高試矯
首塹塞生惶懼

觀音碓

峭石森如竹我從筍尖過雲逗斧錯痕雷擊水溜破却
入觀音碓未出不敢賀沉潭見龍行懸崖驚虎卧不知
洞口深但覺已身大生涯信踟躕豈獨爲寒餓負罪如
邱山安能辭折挫臨危祝慈航救此微軀懦

漢中太守翁誠軒留飲漢臺清暉亭

取道褒斜訪舊遊欣逢太守鎮梁州棧經燒後山皆出
增旣傾時水自流客到花間逢吏去碁拋松下遣僮收
從來不信專城樂今看同登最上樓

潭毒關

路近古三泉逢人問潭毒昔年劉將軍堡壘於此築二
更鼓角吹萬竈貔貅宿飛龍恃古瓦白馬戍太纛金人
不敢近得隴安望蜀當時號偏安邊隅日踟蹰雖封一
丸泥旋看鼎折足宋室付波濤興亡等碁局至今森壁
嶂陰風猶蕭蕭堅城平為田幕府上樵牧空使後世人
聞名頸猶縮吁嗟客不寐掩冉村燈煜

寬川舖

寬川忽不寬仄身入巉巖兩壁摩蒼蒼仰見天在管冷
冷何處泉清可數苔蘚流沫不成輪空雷石上轉古洞
吐秦雲線路縈蜀棧行子忽愁思橫峯欲盡削胡為披

蒙叢犖确走成跡歷代通人力大路歸平坦金牛事有
無付之一笑莞

五丁關

是誰持大斧劃破萬古石礪琅割一聲乾坤忽中拆至
今斧鑿痕似見巨靈擘漾水走其下日夕相瀾湑嶙嶙
失大險連山斷根脈我馬立其巔望見劍門關晴雷走
空山鎮日驚辟易秦蜀何年通呼吸此為腸嗟嗟善哉
行恨無生身翻

界牌嶺

冬行雖幽墨水雪出明爽新曦下危峩稍見天宇廣嶺

陸頻迴互鬱勃如修蟒我從尾上行步步不敢仰山房
蓋木皮居民訝魍魎見人或不守自陳禮麤莽俗惡雖
可憎方言吾鄉做飯飽一談餘眼底失鞅掌何須見鹿
頭始作故鄉想

百牢關

時清本無關古戍峭壁倚石磴漸入雲風聲遞山背盤
盤鳥爭道轟轟車在水百牢一以過村落亦可喜吏卒
本耕農嚴冬間耜未宿麥短於髮時見飛野雉山路不
逢人石隙半牛矢惜哉未得住其鄰可洽比天險非昔
時何處問軍壘行邁有程期但覓古轍軌

閔家坡

自入武都來千巖委乃忽失古藤懸於蛇頑石黑類漆舉
步困黃泥入幽室人家何所樹山山皆橡栗葉落
空林高下見古郵驛官閑吏亦倦時聞驚馬逸捫懷忽
自慚却憶登朝日有益國家無文武得無益不如於深
山朝暮隨伍卒萬壯諒不能安寢或可必



童山詩集卷十一

綿州李調元雨村

庚寅

木寨山

季冬攜童稚辛苦經秦山庚寅正月初始底蜀邊關石
門洳霜雪古鎮稠峯巒老松不肯死根走壤棧間暗水
白刃澁巖柳青芽還嗟我遠遊子逾年無改顏何日芙蓉
溪下聽水潺湲

七盤關

我從高春來俯見盤關七折上丹梯凌虛若可跨

童山詩集卷十一
至登層巔諸山皆在下人疲十步坐竹杖不相借舉頭
天一握始覺險可怕煎茗有山僧邀至古蘭若推出正
南窓爲指兩峯罅蜀道如青天危棧此初架莫嫌路透
迤岷山色可迂回首望秦中何啻太少華阻阨歷已半
得安日稍假遠見故鄉田紛紛露穰極飽食有今年慰
語良足謝

籌筆驛 卽神仙驛

憶昔興師討賊曹深山獨坐運籌勞六韜氣盡貔貅靜
八陣雲屯虎豹號荀息託孤唯一死魂兮莫夢回神
至今古壘生春草長見遺民拾寶刀

龍洞背

諸水如遊龍曲折赴龍洞雷霆爭蕩激憤怒聲相聞八
從背上行乍覺鱗鬣動造次出之而陰風生暗恐橫梁
高於壙跨天儼成竦十里馬蹄脫九折羊腸慟不敢此
暫停去去催我鞚猶聞遠灘聲洶洶隔山送

朝天關

朝天在天上嵯岬少人行怒目似相待意氣如不平不
知我亦譎輕舟過無聲雙槳不驚鷗玩此一水清仰看
頭上石仍見空中橫冰牙綴頰岸齧攫何猙獰爲我謝
山靈無爲腹膨脝

飛仙閣

入峽祇一舍峯巒更偏仄人擔豺虎憂江帶鼉鼉色何
年飛仙閣高際入無極萬瓦照山光千佛鑄西域上有
連雲陰下有沉潭黑蛇蟠九曲灣鳥道一竿直丹梯不
在地赤手上無力艱哉徒旅人垂堂戒不測

猿

網羅聞更密底事樹頭懸通臂終何益如拳絕可憐聲
愁三峽月腸斷一林烟隱見胡須問祇應學四禪

牛頭山

峩峩上牛頭一握天在手浩呼風回來草木如人走盤

空大石磴鈎梯何其陡馬比飛鵬高路在垂猿右乍覺
岷峩低方知華嶽後長行力已疲徒御相攜負山僧漢
我因招坐佛閣牖開窓望諸山一覽真不朽却看舊題
壁吁嗟重回首

劍門

劍門非刻劃乃是真崇墉何來芙蓉鏑森插堦堞中青
天亦受鏡豈非刃州鋒突地起樓閣勢欲吞崆峒壯哉
天下險寧與長城同當關苟一夫萬卒何能攻歷代紛
割據蕭牆自興戎譬如人腹病皮膚豈能充天棧不足
恃修德乃弭凶試看井蛙輩千古喚愚蒙

王書送至武連廢縣同遊覺苑寺看諸碑刻用陸放翁舊韻賦別

尋幽得與故人期緩步叢林鳥未知稚柳溪橋烟欲織
野花山店雨如絲何年斷禍僧摹過一夜挑燈客睡遲
最是不堪回首處學堂同伴讀書時

寒食夜雨與家雲章何來儀舍弟龍山墨莊姪斜

溪同賦

高軒紅燭夜筵開有客初同上塚迴剛是酒闌人欲卧
梨花葉上雨聲來
五月五日捕蟾歌

庚寅之歲五月五清風習習涼無暑吾儕鬪草柳陰西
爭斬青蒲懸艾虎忽傳此日宜蟾酥惡狀膨臍莫敢侮
閒攜群兒出門去撥草搜根到深圃是時微雨雲濛濛
竹鏟當天不知午叢荷密蔭蒟蒻遮有物輪囷色如土
蠢蠢徐步出苔陰怒氣迎人腹如鼓呼兒監腦伏以錯
眼頰口閉不能吐乃知雖有偉身軀技止此耳真驢伍
試看填墨掛風簷百計躲藏究何補

示譚鼎二弟並諸生

廿年奔走亦云勞回首風塵重鬱陶富貴如雲天上看
功名似月水中撈志懷偏鴿真吾事力掣鯨魚視汝曹

童山詩集卷十一
欲問當時畢吏部如今左手正持螯

觀筲魚歌

秧田水滿河水枯鄰人相呼來筲魚手提箴籬赤兩足
脫却布袴泗深渠先分段落作水埭然後缺處安大風
溝上溝下盡占據巨細不漏如罟罾小魚跳藻自翻擲
大魚怒日空睚眦豈知若輩貪酷意洗盡不啻屠者屠
我從柳陰袖手看徙倚終日還嗟吁得多得少亦偶耳
甚美甚苦非忍乎淘汰即今似梳櫛蛟龍豈向池中趨
誓欲乘風破浪去安能坐困如余且

題朱子穎米顛拜石圖

半空落危石挂在巖樹西米老見即拜拱立顏色低細
觀乃是子穎畫小溟釣客旁留題畫石如人高難躋畫
人如石古莫嫌我昔在京華曾與同雞棲布衣王侯間
名與巨然齊維時名見勤政殿中官宣勅登堦梯
畫成大石呈御覽天威忽霽如天倪別來已十載
夢寐猶相携今日見此障渾如親所齋聞道頻年官九
轉太守善政傳鄉黎知君愛古癖於米相思夜夜下淪
溪

墨莊病頂

木瘦石暈本物病取妍於人用常便君亦吾家有用材

故令病頂妨寢燕今年槐花舉子忙正值八月魚龍變
天教換骨脫凡胎怒飛萬里捷於箭我亦平生強項人
有長磨折何能擅豈惟直道世不容室人亦復交責譴
我當讓君出一頭佇看嶄然頭角見

醒園獨坐二首寄龍山墨莊二弟

自嬰塵世累每爲物所羈看花雖獨往何曾不相思相
思亦無厭夙與文字期龍山才頗豪蠅蚓雜蛟螭青紅
浮大海其色難磷緇墨莊最嗜古落筆尚苦遲每造幽
淡處芳蘭茁堦墀二子雖遠我其實各有之秀密乃吾
父雄放似我詩倘能相觀善豈不成全奇吾衰無所用

鈍拙徒自知日從僮僕後背手看花移但願汝曹志似
此揚芬時桂子雖月中何難摘一枝持此滿我志曷用
空思爲

平生好游俠學道苦不早艱難已遍嘗清興忽如掃功
名旣坎坷遭家復不造每從午夜思所作皆顛倒痛我
先大夫臨病不待禱兒癡諸未諳舍去不相保經營
百年事無乃太草草奮欲凌雲翔方外絕煩惱如火日
燒身愈避愈就燥天地何所逃千慮終未好汝曹方盛
年強箭穿魯縞我視各爲屣汝視各爲寶是非兩相較
俱未爲知道看我婚嫁畢入山讀黃老

偶筆

八九年前舊史官只今衰病卧林巒日斜嶺上堵高枕
夜靜溪邊下釣竿驥伏猶思千里遠鳥還竟少一枝安
旁人莫怪雞棲早久矣天衢戢羽翰

繡毬已春放矣而秋後忽發殆墨莊鄉闈佳兆乎
春初已見雪成團又得凌秋一朵看不為園中增景色
知從闈裏發祥觀蕊含瓊碎星初摘香綴瓊瓏露未乾
莫道廣寒宮尚遠仙娥早贈玉珊珊

恭題先大夫射雁圖

梧陰書舍生青莓諸生揖我投經臺仰見先君射雁

幃褻然不語同驚猜就中獨有孤兒痛欲說涕泗先盈
顛憶昔遊宦勾餘地年雖十八心尚孩同城都閩華公
子輕車肥馬相追陪縣尉廳前平於掌早起較射宵未
回是時先君勤王事簿書未暇風火催一旦脫帽憩
亭午手持羽扇徐來笑撚烏號指廳樹一箭正中當
門槐其日雨霽天宇曠觀者如堵聲如雷公子失色嗟
神勇縣尉賀酒斟金杯吼山名震潮夜起洋海盜遜帆
晨開自此華堂開畫戟先命貫楊馳其駮浙東燕北足
幾遍矢箠常教隨龍媒歸來闈圍醒園內兩行綠柳臨
江栽箭臺築起凌霄漢松根作榻留山隈至今夜月照

巖谷颯颯精爽生蒿萊語猶未了聲嗚咽已見木壞連
山頽魂魄夢寐或一見臯魚風樹徒悲哀父書手澤雖
未斬髣髴不記豐隆頰試卽此圖細端視自愧趨庭鯉
不才家計渾如破巢卵負重真若鹽車駝請君看取天
上雁一嬰矰繳毛毳毳漸達漸陸復何用祇足宰割供
庖煨急須什襲傳似續作此遺戒意頗該他日休教粉
壁掛見之空令心傷摧

詠新竹二十韻

嫩竹初生塢新陰便滿庭何年承露靄此日拆雷霆出
筍非從饌行鞭忽走垌通天攢箭括關地長筴篁不擬

淇園見能留嶰谷聽抽梢逾萊甲扶幹賴園丁加壅勤
鋤畚頻燒倒罌瓶嘯時觀自足醉日種方醒正欲燒羊
角旋看集鳳翎湘妃遲染淚稚子早添齡瀟酒姿猶怯
嬋娟貌亦婷閑來行小閣坐去望高廳細霧前軒護輕
烟別院停斜陰穿北戶疎影映南樞潤滴莓苔砌鮮連
藻荇汀幾竿偏裊裊數尺自亭亭籜落因風舞枝低爲
雨零呼郎原是綠喚士可名青直節多中蘊虛心實外
形清貧饒不得何問渭同涇

戲墨莊

墨莊先生貌如墨平居垢面不修飾垂頭頗類李臺鄉

七竅烟雨同一色口中含煤背懷板前身應是海鳥賊
忽然變化出人間爲龍爲蛇不可測旁人大笑君謂然
故以爲莊了無意豈知先生胸有奇觀書如月照幽域
九天咳唾盡珠璣白雪陽春光欲逼我觀先生真嫵媚
外雖黯黹中淵默我聞老子談道德所貴知白而守黑
請君看取姣好人滿腹塵埃誰能拭

夜歸

遍身衣露月朦朦夜靜初歸仲蔚蓬山犬吠來茅屋外
水禽啼入稻花中開胸幸遣炎炎暑刮面先愁獵獵風
多少心情如緒亂一齊付與草間蟲

塞驢行

爲祝芷塘作

塞驢避路立肥馬當風嘶向吟樂天句頗笑言無稽豈
知今與古世異理則齊昨日僭僮僕步出城門西鹿頭
何亭亭解鞍聊雜棲何處唱道聲煌煌 救書齋軟輿
牽百夫旌旄耀虹霓借問此何官年少列金閨星軺指
萬里來此登天梯我從稠人中時復一睥睨似認故人
面夙好今已睽雖然首未俯未免顏先低同此大道上
相隔如雲泥達人貴安命升沉寧自迷歎息下山去世
事難重題

送別桂山

童山詩集

卷十一

九

蘧廬天地總羈棲
 爪跡何須苦印泥
 招飲欲分山小大
 卜居知在灤東西
 都中朋好惟君密
 蜀下聲名與我齊
 回憶錦城風雨夜
 床頭話別不堪題
 借王晴峯遊張泗
 漱晚園
 王子清晨發奇興
 叩門繫馬門前柳
 為余指說城南隅
 有園漱晚堪携酒
 入門所見俱離奇
 十步已經移目九
 可憐名花擅西蜀
 怪石復出仇池右
 中有小樓高且危
 乾坤俯仰歸一榻
 渾忘身似醯內雞
 便覺樂同橋中叟
 主人不知去何處
 如此湖山名利走
 我本急流勇退人
 惜乎此園非吾有

夜宿德陽

人行風露下
 悄寂各無聲
 燈近遙知市
 林深不辨城
 夜眠貪一覺
 斗轉欲三更
 無限蕭梢意
 中年百感生

石鏡屏歌

非序

石鏡屏羅江令雲南楊古華先生周冕所藏也
 出自大理點蒼山其圓如鏡白如月中有黑雲
 突起一峯似有人立於峯上雲氣趨忽若遠若
 近甚可寶也古華要余作歌詩成遂以相贈
 古華學書學黃華一筆一畫皆如蛇古華愛石愛老米
 一邱一壑如追蠡獨有石鏡如鏡平圓如月到十五盈

下爲波濤上雲霧十洲三島環蓬瀛其中一峯危且巖
四面海水相濺濬上有一人袒左肩頗似吳剛持斧立
袖飄飄而吹風足騰騰而乘空忽不知其所往今亦不
知其來何從主人徐爲陳始末此鏡出自黠蒼窟每逢
八月月出時直疑上下有二月巧匠斲石比月皎此詩
更比石爭巧石不能言我代言石願共爲天下寶

奉和祝芷塘

德麟

同年典試道出羅江見懷元韻

卽邀明日同遊草堂寺並簡嘉定守曹秋漁焜同

年俱到

京中易得朋林下難覓友君 銜王命來恰我歸蜀後

初聞默自祝佳會良非偶祗愁李下嫌整冠戒加首昨
者翰軒過蹇驢避道右相對隔雲泥不敢肆狎狙今朝
歡相見屈指闊月九起居高堂萱問訊靈和柳契深話
亦長追往容屢愀維時曹嘉州給事皇華牡當年我三
人如鳳共一藪升沉八年間似隔紀與菲嗟余獨踳躅
衣袖猶深黜廣廈得造談賴此賢太守余季雖能文翻
翩寧識某戰場迷五色獨拔幸亦苟我家潺亭西頗有
田十畝下俯芙蓉溪遶樹堪携手過門可無入敢日登
拜母明日草堂寺此遊真不朽千里來劍南倭遲况未
久少陵已歇絕亟借詩人口勸君速命駕他事無被肘

野鳥望行旌溪魚仰山斗正屆重陽期間君有意否

陪祝芷塘德麟鄧筆山文泮兩太史遊少陵草堂

此地獨千古為因子美祠只容人載酒不許客題詩今

遇雙星至同參百世師不知滄海上誰定掣鯨鯢

芷塘筆山枉駕醒園蘇軾買太安余李觀前

囚牡駢駢謬見過忙開家釀盡千螺文章敢詡同人服

談笑何妨俗物訶三載離情今日吐萬山深處使星多

年來良友晨星散何意風吹到薜蘿靈味林樊

和編修祝芷塘同年留題醒園用杜少陵遊何將

軍山林韻十首

憶昔金山別魂銷似灞橋日邊迴彩旆天上隔丹霄驛

路皇華記翹車玉帛招今宵燈送喜萬里尺書遙

平衡洵不爽水鏡本來清已入班中鷺猶思谷口鶯淡

如君子水食愧小人羹不是玉山朗焉能玉壘行

荷抱年來久逢迎總強支錯疑楊子宅枉過習家池呵

道山猿避聲名野鶴知怪君詩筆健珥筆不停披

余季非荆樹同時得桂花無心收玉兔有客詫弓蛇佳

話傳教遍高談興獨賒海寧能到否亦欲訪君家

榜掇惟君少科逢萬壽開名能書淡墨人尚弄青梅今

日崔羣至人傳衛玠來不知桃李內誰步玉堦苔

建昌出名馬慣走似奔泉棧道登雖險沙堤踏似綿珍
珠雙夾鏡蹠蹠小連錢脫贈君知否文旌再督川
高軒來過處草木尚餘香坐石茵猶暖催花酒未涼題
詩龍尚活起舞鳥皆藏直到雞鳴候方知曉色蒼
園林全種竹亭閣半臨池童子敲茶臼山翁倒接羅登
堂先拜母排闥屢驚兒不是王程速猶思百里隨
並馬渡江去聯鑣盡入雲山川皆別賦風雨助談文棧
閣程空數綿州路早分同年來有幾老淚落紛紛
稚子真如杜將軍不姓何名平瓜未種潘岳果偏多難
忘青燈語慙賡白雪歌至今明月夜猶夢使星過

附 醒園留別用杜工部遊何將軍山林韻十首

跡滯三秋後身遊萬里橋黃花明異域青鳥返重霄
短李幽居僻長鬚笑騎招逢迎欣得主造訪肯辭勞
減從聯雙騎天光出郭清溪喧惟祭獺秋老不聞鶯
野父除瓜架山妻茹菜羹殷勤語楚客何似武陵行
林外波聲活潑江別一支叱牛收水磨呼鴨上陂池
徑亂增樵惑巒重獨鳥知只因遊履過荆棘已教披
已近醒園路山寒少雜花插峰山似象赴壑水如蛇
鱗鬣看松嫩杯棬想澤餘他年長千尺喬木識君家

編修祝德麟

芷塘海寧

紫荆無灑掃今日逐江開堂構方求木寒暄異望梅
 楊懸徐孺至黍見范卿來為問門前路客誰損綠苔
 握手出詩集高源詞湧泉思親新涕淚懷友舊纏綿
 唱和聯諸謝評論待老錢雨村素學詩於香樹為錢翁所極賞雕零雙
 桂後若箇長西川楊升菴先生雙桂堂在新都今已廢
 飲我邨筒酒春醪麴米香庖烟衝曉濕園菜益津涼
 選忘兒能誦杯乾婦久藏乘醺思振策下界鬱蒼蒼
 熹微尋石磴曲徑半臨池直欲謀笻筇頻來着接羅
 人家團竹色秋水瘦魚兒早識溪山美應令畫手隨
 雪嶺明晴旭花驄撥亂雲碑前重墮淚身後但遺文

拜母衣冠肅論交輩行分童時遊釣處指點復紛紛
 一飯南村舍臨岐意若何別人甘語少看客比鄰多
 敢忘對床約難為行路歌回頭問野老使節幾經過

偕弟墨菴賦瓶中白菊

傲霜枝在膽瓶中移看燈前鴈序同
 照去離離疑映雪香來冉冉不因風
 恰宜送酒人衣白翻襯哦詩客面紅
 堪笑天隨老居士癡心欲種滿蟾宮

陸魯望詠白菊詩有月中若有閒田地為勸婦娥作意栽之句

再到秀河贈熊坡山

浮踪不定似飄蓬纔得西歸又復東
 映日水花顏倍紫

經秋山果色多紅主人笑語情如舊世道翻更事不同
惟有青山松與柏不凋終在歲寒中

贈熊來豐

主人家住秀河南楊柳橋西暫解驂酌斗已酣寧過五
過門不入莫嫌三共傳張藉多豪咏可許阿戎一放談
聞道年來深養晦高齋長是學禪奈

神泉道中

誰家桑柘蔭眠犢舍前舍後種慈竹少婦出門汲水歸
簪邊斜插西番菊

山羅江至中江夜行

逢人便問艾家壩遙指松林山外村天近黃昏行不到

星星燈火出蓬門

嶺上疎星煜煜明四鄰悄寂各無聲東家犬吠西家應

知是行人冒夜行

偕墨莊至中江訪孟鷺洲侍御

山迎秀色入城中天遣清樽此日同幾樹梅花詩興作

一時題遍畫堂東

經秋山果色多紅
主人笑語情如春
世道如夢事不真
惟有青山松與柏
不凋終在歲寒中

一韻邊嚴畫堂東

山巖委命入賦中
天鼓雷聲此日同
幾樹淋漓落詩興
非關

滑墨筆至中
或言

賦長

論上題是默默
因憐韻味各
無聲東寒火
西寒

呈呈獄火出

我人

童山詩集卷十二

綿州李調元雨村

辛卯

元宵觀燈二首

金鼓家家競沸騰
銀花處處更加增
天疑螢化初流火
人似蛾飛亂撲燈
村巷金吾原不禁
京華玉友詎同乘
我聞一刻千金值
秉燭來遊笑尙能

刻畫無鹽亦自奇
稍加沐浴便西施
歌喉能使行雲過
粉黛偏宜入夜窺
却喜親朋聚今夕
必須富貴定何時
明朝酒盡人俱散
猶有餘音繞夢思

二月十一日夜聞雨聲

細雨止還作燈花翳復開春如人病起天似醉醒迴點
點芭蕉報聲聲瓦屋催明朝紅濕處先看牡丹臺

山中

世路崎嶇處處同往來渾不畏霜風遙山一點燈如豆
誰在寒松古栢中

和祝芷塘謝巴驢馬其鼻白故號銀針末語益戲

辛之也

我有巴驢馬銀針面上分同心蒙覓顧回首惜離羣鼻
噴冬雪蹄輕萬嶂雲知君無所換空自謝殷勤

三月望日飲劉大家閒談瑩華山山枇杷盛開卽
今日令人取植園中

廿四番風棟子終殘英掃盡失芳叢忽聞千樹瑩華上

移得三株小圃中艷殿晚春嬌欲笑顏開曉日暈微烘

怪來昨夜多妖夢有五銖衣下碧空花五朵簇枝梢上
形如磬乍看似一

然八人皆秋文風

豐谷井

千層瓦屋環抱崗萬竈火煮鹽泥黃白鷺啣魚上樹立
烏樾轉索引筒長誰家少婦汲江水何人策馬方回塲

我乘籃輿竟過去回頭山隴雲蒼茫

唐農部為潼川書院山長奉訪留題是日課期農部請余閱卷以中江李世保為壓卷書院即吾師

綿州牧費雲莊先生所建也
既攻堅木又撞鐘盡在先生木鐸中忽把一城糾武氣
變成八邑好文風潼川舊有譚行義官提督後人多習武栽成桃李皆君力臭味芝蘭獨我同忽憶當年開石室令人長憶老文翁

端午日在梓州太守徐竹村鎮座一作

年年端午日總是別家筵萱草憂難忘榴花火欲燃司閻懸艾虎詩客讓箕仙若畫黃堂像他年側八賢東坡

正孺知東川詩為公掃棠溪畫像蔚相繼自注云蜀中太守賢者無不畫像焉府治名世堂畫八賢謂司馬相如王褒揚雄嚴君平屈原陳子昂李太白蘇子瞻也皆蜀產故云

李愛峯招飲鰲若精舍

雲嵐盡日撲征衣淦淦清泉出翠微信步幽篁深處去無端驚起竹鷄飛

關住山泉不許行泉聲嗚咽自琮琤涼州一曲誰能按憶聽茨姑葉爛聲時有歌者王郎能奏北音

雨登孟鷺洲侍御裕昆樓二首

潛蚪捲起碧潭雲雨撲疎窓面面聞氣接鴻濛高欲合烟通岷嶓迴難分樹如米筆濃堆墨草似蘓堤淺染裙

不識何人是崔顥登樓徒媿不能文
風聲欲作礮車雲我上丹梯第一聞江漲遠浮雙塔動
山嵐漸與一城分簾前紫燕分投剪檻外紅榴色妬裙
不是留連因雨住要將杯酒細論文

題酒泉亭贈郭令牛鼻亭

只知地下有誰意在人間李白詩空好劉伶去不還亂
鴉啼柏樹老隸守柴關可似廉泉否知君不赧顏

宿崇慶州弔何愚廬

斯人久已歿思之亦云忘忽從此州過灑涕難自解先
生平生作如百川歸海流傳雖不多已為模為楷何須

壓元白始嘆才十倍白常校天麻青史橐筆載如何電
影間遽埋光鏗彩李杜錦繡腸不救寒與餒當時走且
僵至今光燄在我聞窮乃上天意或無乃荒墳在何處
林阜有礪磊欲以斗酒澆夜市無可買

荔支歌

在邛州曹秋漁署中作

香草亭中花嬾娜水晶盤內沉朱果風流太守羽扇來
笑捧一盃釵頭顆我家住在岷江濱夢想傾城三十春
豈意臨邛署中見頰令齒頰生甘津色敵江萍日光烈
赤羅襦中白膚潔細嚼丁香欲喫人五月齋頭流絳雪
維時輕擘對賢昆似言南海味尤尊詎知南村一老腐

唇焦口燥今始吞為問紅塵何處騎車岡胡公敦舊意
秋漁舊屬洪雅令胡公所送 馳來百里未成酸坐使輕紅沃心醉嗟
我離羣八年久命駕總為平生友珍筵兼得桃花紅為
我沽盡當鑪酒明當結束去燕都對此已覺炎天無他
日故人如問訊勸君休寄荔支圖

次曹秋漁韻

見說飛鳧入劍關名高金馬滿人間只今遍歷銅符綬
猶說難忘玉筍班揆藻擗華空復爾盤根錯節在投艱
嗟余潦倒風塵遍休話當年啓事山

成都遇朱子穎太守於護國寺出遊峩嶇詩見小

為作長歌

未髡出守不得意撲被來投護國寺吟聲驚起錦江濤
高眠謝絕門前騎我自臨邛道上來處處見君題壁字
聞在浣溪樓下居排闥直通不用刺聚散升沉十餘載
相看一酒丈夫淚怪君面帶烟霞色飄飄語有凌雲氣
為言千里來劍南山水足稱平生志栖遲總為一官懸
今朝始脫銅符累大峩仙人忽相招明月半輪掌中墜
翻身直上雪千層衣衫亂颭浮空翠蕩蕩天門捫正青
恍悟前身香案吏俯視全蜀如井底紅塵擾撓正糜沸
豈知蓮花頂上人坐撚枯藤餐百卉歸來落筆無五嶽

陡覺星河入胸胃倒海翻江人市忙天下此遊寧有二
可憐寶山空撒手依然不救糧與糒祇餘兩袖生清風
誰能分惠爛羊胃交如北海客一錢未免搖尾增心愧
東西南北馬蹄脫迴翔暫借立錐地惟撥床頭一瓮雲
日與老僧拚一醉何意大暑來故人聞呼不覺倒著屣
相逢不似在人間恍如天上將軍至語猶未了雲雷作
留客眼青鬚磔蝟勸君休矣勿復言我亦人情今歷試
但當沽飲百餘觥容吾卧榻且鼾睡

題子穎太守峩眉詩後二首

排空馭氣杳難蹤羨爾峩眉覓赤松翠掃雨餘能似不

為余一一說螺峯

淋漓大筆障鴻濛手摘星辰氣吐虹自笑西川老居士

半輪明月畫圖中

題子穎太守棧閣詩後二首

十載渾如隔夜興新詩讀罷更挑燈秦川後作宜刪却

寄與詩人杜少陵

鳥道褒斜屢過之棧雲棧雨苦淒其而今禪榻茶烟昨

又歷猿聲十二時

題荷亭

鑿池傍山脚着箇荷亭子時有小蜻蜓點破玻璃水

艷詩四首 在成都作

人間正色奪胭脂獨有幾眉世鮮知家在薛濤村裡住
枇杷依舊向門垂

文園底必用琴挑無語無言倍覺嬌故借威蕤通一語
要看樊素露櫻桃

朱履三千客滿堂笙歌如沸擁紅粧麒麟乍說從天降
笑向流黃帳裡藏

春風側側入簾櫳長見微螺感遠峯一朶海棠初睡起
似經猛雨損花容

和舍弟龍山宿天迴鎮元韻

出郊時向午樹杪已斜曛浴水雙鳧沒橫空一雁聞地
高偏聚雨天晚易成雲止宿投何處天迴路不分

題孟家店壁

八月清秋雨又風蕭蕭夾路柏兼楓笑他葦荻池塘冷
也有鴛鴦戲水中

東鄰婦

東鄰婦自嘆紅顏遭忌妬曉來當窻聽鳥啼聲聲似向
薄情訴為訴當年初聘入綰就同心永堅固為禽願上
鴛鴦錦為花願眉相思樹豈意檀郎歡未足別娶阿嬌
貯金屋新人粧束前門來故人襍被後門出空房冷落

歎蚺蠖暗火淒涼飛蝙蝠風吹紈扇悵何長夜對銀缸
頰暗蹙豈有言詞勸大家忍教巾幘隨婢僕無心再看
錦衾斜有情除是鸞膠續昨宵早起理殘粧鏡影猶憐
眉黛長蟬釵貼罷出深屋金蓮軟步來前堂試問薄情
夫新人似我無檀郎回言新人好不如卿家百事巧新
人有巧卿不如能唱羅敷自有夫

別內

許國今揚萬里鞭百般家計賴君肩栖身初置三間屋
餬口猶存十畝田常使親朋來有酒莫教稚女冷無棉
我雖在外清貧過也得人稱內助賢

留別醒園

新建樓臺倚翠微耕山松栢半成圍白雲似友還相送
明月留人苦勸歸池內養魚隨變化亭前放鶴且高飛
最難別是冬初候梅正含苞理客衣

十一月十一日過梓潼訪故檢討弟廣文儀亭

學署出所作詩見示

長安聚首憶羣雄擊破胡琴氣概同共說人間有雙鳳
誰知天上唳孤鴻胸無碗礪三杯外舌有風雷一卷中
握手不堪腸斷處故人宿草已成叢

劍州道中

高低石磴駕長虹馬上行人在碧空昨日雨兼今日雨
不堪又冒利州風

黃茆白石滿平崗那得詩情入錦囊唯有兩行李公栢
蔥蔥翠色撲征裳

重題牛頭山寺壁

題詩舊在牛頭寺今日重來和益多試訊青山無恙否
白雲無語向樓過

千佛巖

是身如雲影飄緲隨西東偶隨花雨來忽到梵王宮百
千萬億佛雕鐫何垠隴藻井綴花鬘石髮垂蔥龍儼如

我悉達合掌坐當中乘騎獅象降伏癡虎龍渡杯
與飛錫恍惚來碧空似向天竺見疑魚鱗嶺逢其餘諸
小岩盡斷巖巖容不須悲偏仄自有慈航通欲問佛云
何千江明月同

乾龍洞

何年晝晦冥飛龍上遼廓奔霧繞瀕洞雷聲走延罟鱗
甲卓九霄垂胡下深壑一去降甘霖遺窟不可索至今
風雨夜金光猶灼灼噓雲時有無日色照垠踣笑余老
頭顱尺木何由著屢遭豫且困魚服徒自忤所嗟河津
遙未免氣力薄俯首龍門過不禁足蹴踏

金鰲嶺

連口沿江岸陂陀異昔遭茲嶺恐懼始脊起尻益高歷
仆驚礪硯洞壑深嶮嶮咫尺日花眩恐落萬丈濤我聞
龍伯人巨釣連六鰲疑詣五真時遺一此邈逃亦如禹
治水支祁加鎖牢至今山之巔有神饗腥臊歲歲椎牛
祭毋乃太貪饗何不鏹之平苦我販與挑語罷神忽怪
江風中怒號

宿寧羗州

孤城斗大亂山中洒水聲聲寫向東明月滿窻人未寢
狙公啼罷又猿公

滴水岩

晨趨滴水岩回首失平曠披榛入幽仄漸聞山溜響叢
篁蔽白日老木偃嵒嶙窳窳窳離迷離逢魍魎鳥飛
近可取魚細不任網灣濼似無路崩崖忽軒敞危哉一
石懸怒欲撲人頽峻闌巧扶持人反出岩上我家有小
園一別付遙想安得遂米癖供我寶晉賞千夫輦不辭
一巒願百兩
不出沔縣口
偶驚軀七尺飛過嶺千重兩耳猶猿喚孤身尚鳥從定
軍諸葛屢褒水漢王墉戰地今何在時平絕少烽

燕子偏

我行入褒谷一步一回眴有如落鐵圍四壁皆築釘上
 下不十里怪石難悉辨偏仄燕子偏斜旬驚初見狷如
 金剛王巖如羅刹面黝如夜叉臂勇如猛將戰又如蒲
 相如持壁睨柱看毛髮盡上指目光閃巖電又如樊將
 軍擁盾氣怒悍拔刀割彘肩能令重瞳汗下有雷家灘
 聲敵震霆亂立馬譚氏橋懸戶纔一線團團雪車鳴磷
 磷霜花泝踰履木自憤魂魄俱欲顛嗟予志蓬矢遠遊
 亦云慣屢經不敢掉恐為造物玩伐箭者誰子高歇入
 雲漢生涯等螻蟻得毋太輕賤

褒城谷中逢吏部簡玉亭

昌璘

以州牧至蜀

邂逅何妨促膝談雷家灘上暫停驂怪來昨夜星辰動
 為有郎官到劍南

鳳縣二首

鳳縣

鳳縣

鳳縣

雲巒途太折風景客來重水狹人多瘠城孤虎有蹤瓊
 漿誰共泛玉手鮮能縫唯有金絲柳依然拂露濃
 冰多千坂滑山盡一城橫處處驚逢雉家家解畜鸚遙
 峯迷鳳跡小縣聚猿聲八百連雲路祇餘三百程
 草涼驛題壁間雪景畫

是誰供帳伺分司席有重臺尚皺眉獨有雪橋驢背客

梅花飽看當晨炊

曉過五星臺

役人貪早起出郭尚昏黑行行五星臺殘星猶未匿熊

羸伏路號鯨鯢據岸仄朽棧俯見水破袖常挂棘人呵

寒慄氣馬帶善驚色長疑樹如人只恐盜在側斥堠雖

疊增戍卒且偷息倘知早行險高枕卧亦得

臘月郎中馮星實 應榴 視學蜀中余適北上相遇

于鳳縣心紅峽見示道中詩余亦出詩相質蒙賜

四絕奉和元韻

詩筒一葉倩郵傳驚看光芒萬丈懸趨壯子平吾豈敢

褒詞虛負玉堂仙 文同寄子平詩云之子富才華筆力

風規直接大峩 趨且壯子平即蘇軾初字也來詩有

使者持旄萬里遊心紅峽裏暫相酬臨叩不少相如賦

休令諸生嘆白頭

國華堂構擅才雄十載文名鳳閣中北斗以南人望外

錦江桃李笑春風

才子憐才意倍殷綸扉憶慰泪泫泫如今衰病無裨補

辜負當年囑咐勤

附 馮應榴 郎中督 馮應榴 星實 鄉

詞源傾瀉競流傳江湖汶山萬派懸知有品題前輩

定風規直接大峨僊錢香樹尚書詩君詩擬之六蘇映青品顯前輩

雲棧天梯愜壯遊驚人奇句往來酬笑余試險蟲吟

寂健筆何當更上頭

錦官城夙聚文雄慚黍星軺指蜀中靈秀江山君占

取可留餘氣續遺風

峽裏相逢話舊般看雲樓下想法法憑君傳語長安

道病骨寒山策騎勤

送別馮星實提學荆襄曾賦讀取不也賦賦

潛居兩載信疎迂半日論詩實啟愚是日為余吟入棧大散關諸作悉警

絕得味意氣可憐領肺癆文章空笑老頭顱玻璃西去

歸金鑑灑瀕東來映玉壺最是劍關相別後相思獨向

薊門趨史詩詩

興平縣感舊三州學識附感隨當日顯人十八

憶昔殘冬此解鞍圍爐兒女語團圍未知何日刀鏢卜

明月時從道上看映寶劍氣與長懸一自蒼龍壁土

漠漠風沙雜雨塵相看欵笠似泥神須知我亦臨邛客

携得當年賣酒人壘開臨鈔賦並散同爭獸果縣王

馬嵬曾謂將良趁馬何白五規

綽約仙人海上眠此間空惜委花鈿從來粉黛原都假

黃土何曾值一錢墓上土名貴如粉傳能沿面瘰

深宮曾見錦綉眠死後徒留一股鈿莫恨漁陽鞞鼓
逼當時曾賜洗兒錢

奉和南星鎮壁間編修祝芷塘同年題 果親王

墨松二首

粉牆不合長枯松知費隄廩幾斗濃一自蒼龍蟠壁上

至今常有白雲封

使呈題筆我能知三峽毫端倒瀉詞當日瀛州人十八

惟君年少最能詩

呈陝西方伯畢秋帆二首

龍圖老子最風流温飽何曾為已謀寄語漆園仙傲吏

底須貸粟監河侯

高牙新捲華峯烟澤潤黃河里數千我亦劉平上都客

更無人贈辦裝錢

方伯新署中丞畢秋帆

分草金鑾未幾時秦垣早見擁旌麾文章氣概黃河讓

人品端凝華嶽推鎖鑰北門姬寇準屏藩西塞重韓琦

回頭鷓鴣非前侶休戀鳴珂白玉規

畢秋帆以紅雨山房悼亡詩屬題為賦四截

雲鷓連理恨無窮伉儷悽然一卷中莫訝神傷荀奉倩

相秦曾記虞虞同

銅烏蠟下忽垂洩難忘當年舉案眉簾捲南山螺似畫

知君腸斷退衙時

缺月纖纖掛一鈎誰知京兆舊風流汾陽宅內空惆悵

相守而今未白頭

秦藩署傳為汾陽王故宅

曾聞萼綠降羊權知是天都第幾仙祇恐玉真仍未死

雲鬟霧鬢華峯巔

傳夫人尊人禱于黃山神以綠衣女子昇之遂生

留別西安太守翁誠軒

蜀山秦樹雲中行送我直指長安城太守招邀宴華署

令我意氣杯中生去年雪夜度南鄭人口洋溢龔黃政

移床坐對漢臺月珍錯飽飫妻奴併今年又復來寒冬

銅符恰遇潼關中倒屣屢叨殊禮重三鼓不寐談堂東

昨朝欲上灞陵路百計挽留留不住相看亦復可憐人

羽書叢中偷一聚今日驪歌慘別顏倉皇餞我出秦關

人生聚散直鴻爪此後相思山外山

鴻門懷古

野火飛入阿房宮共逐秦鹿如飛蓬項王蓋世雙重瞳

呼吸八千來江東赤蛇白蛇爭關中廣武連兵決雌雄

亞夫碎斗氣填胸筵前劍舞心不同生割彘肩目如銅

死且不懼酒中兩龍不並成漢功撥亂乃屬大度公

童山詩集

卷十二

七

至今壁壘頽層穹戰場殺氣亘長虹猛虎嘯壑鷹鳴空
翔雲繞陣號饑鴻吁哉腐儒安可通杯羹一語真英雄
驪山來東衣袂白披甲關中漢元武元武
繡嶺今如故華清舊有名一泉留月色十里走松聲彷彿聞鑿駕依稀見翠旌馬嵬坡上客猶自惜傾城

曉發渭城逢家應宿以武關落第歸西山隱居沽
飲爲別放歌

昨夜黃河雪我自潼關發萬里寒雲捲滄海三山飛上
一輪月色楊柳枝梢橫長庚星下相見驚下馬沽飲
新豐市看君意氣何崢嶸人生閃爍百年內胡爲萬古

懷不平君不能學伶人商阮鬱輪袍岐王宮裏科第高
又不能學將軍三箭定天山封侯挂印須臾間王好竿
而子鼓瑟三年齊門復誰恤小兒聞此皆搖頭有知人
笑柳下黠燕雀亦相嘲欲與鴻鵠爭魯人不識鳳山
鷄朝陽鳴驛亭津館歌嗚咽與君擊碎唾壺缺巴詭豈
解和陽春漁父還能鼓柁樵交盡黃金無一親統袴唾
我儒慢身笙管叢裏失談笑蒼蠅貝錦如有神班超豈
事筆硯者韓信亦非跨下人與子論道左窮通子我
無不可千金屠龍伎何用百戰健兒終輾軻得亦不足
喜失亦不足愁盧生豈非落第客留侯乃與黃石遊君

不見陶元亮解組歸來山水放君不見郭子儀功高天
下冢纍纍我亦欲隨范蠡去焉能與俗長低眉

華陰道望華山歌

搗朝策黎眉獨上華陰道雲氣撲人髭欲白劉天崔鬼
凍相照二華削出雙芙蓉玉女明星晨露濃長虹倒吐
蒼龍嶺紅日初上迎陽峯我聞希夷峽仙人掌依稀似
有五老人恨不跨鶴三峯上又聞張超谷老君犁疑有
三茅洞中客招我乘羊八卦池神仙各代有不識誰
長久人人盡飛昇何不學一雙我歌歌上五鳳樓歌聲
聲遍天河流王母知我最好事為我置酒樓上頭巖

不許兒窺牖仙桃不許方朔偷海月忽飛上飄緲聞仙
聲法嬰奏元雲之曲雙成吹雲和之笙酒酣耳熱彩鸞
徐聞江妃解珮香氣網縕密香似向阿環問便令此君
足下騰青雲王母掉頭安得云云嗚呼噫嘻我知之矣
雲窻霧閣總無憑青鳥悞人多似此俗緣尚重無仙緣
依然醉向酒家眠李白騎鯨去不返誰同搔首問青天
我欲瀛州步金闕浮雲富貴俱倉卒蓮花頂上如可菴
為余先掃松間月

金隄關

潼關猶在望又過一拳城路出雲霄上人扶日月行時

平兵氣滅地古客愁生寥廓黃沙野蒼茫極目平

題陳世貴蘭亭畫屏

山水會稽天下少蘭亭佳興世間無一觴一詠誰傳出
月白風清寫畫圖

王濬墓 在蓮子店後

偶兆三刀夢還成一統功金陵王氣盡鐵鎖霸圖空奇
計禽孫皓名言愧范通角巾千載恨長抱九泉中

題陝州牧雷蓮客 汪度放鶴小照

飛塵送我過古號甘棠樹 逢蓮客酒酣捧出青田圖
驚見凌空雪一隻羽衣翩翩坐者誰滿院梧陰脫巾幘

似是元稹吟桐花却疑王喬擲鳧鳥君真磊落不羈人
萬里精神比霜翮憶昔京華初識君昂昂獨立來鷄羣
黃公酒鑪數相見胸懷曠入晴天雲一自分符去南國
頗聞臬鳥皆斂戢公餘時露名士真放鶴西山看夜色
何人寫出好羽毛潔白想見冰玉操尺素稜稜起風唳
露滴一聲聞九臯旁有稚子一錢捧此事不是學劉寵
舉世爭爲什一方我只兒戲非壁拱勸君飲馬錢勿投
我正囊空屢自羞待得腰纏十萬貫與君騎鶴揚州遊
大風在磁鐘遣騎至陝牧雷蓮客處乞酒
由來畢卓酒中偷不爲平原十日留小市金貂無可換

爲煩從事到青州
狂風布被欲生稜
孤館寒天絮不勝
聞道使君清似水
等閒莫付一壺冰
蓮客送酒復次前韻答之
我詩頗向謫仙偷
醉語還從別後留
多謝甘棠賢刺史
明朝風雪到韶州
嚴霜沁骨骨稜稜
愧爾黃嬌力不勝
聞凍黃河三百丈
看余赤脚踏層冰
聞曲
破夢驚聞一曲新
瓊花玉樹細縈塵
誰知行客如流小

不是朝朝暮暮人

陝州

雲山無百里處處見
黃河岸凍蛟龍蟄
天寒雁鷺過陽
津停雪少大谷聚
風多周召分封地
茫茫意若何

峽石關

峭陵高處望不見
魏州城虎或天陰
嘯駝因地險
鳴日寒斜始照風急
遠聞聲同伴俱無語
應憐擁鼻情

牛鐸聲中間冬丁
我亦乘輿載宵征
布被蒙頭雜夢醒
十里五里喚始應
石河已渡天未明
殘星茅店鷄亂鳴

起視漠漠霜花生雲峯缺處紅日昇老翁開門髮鬢蒼
 土竈猶挂隔夜燈豆蕪旋炊糲糲羹老瓦盆盛墨指擎
 雖欲不飽夫何能僕夫又已催我行乃與此輩同前程
 宿鐵門苦寒
 雪堆深處露蔕次送日羲和怯不窺最是啾啾簷下雀
 飛翻也欲向微曦

紙格油窓自補函圍爐祇似坐冰壘可憐門外甞車客
 臘月嚴寒尚夾衫良貴何嘗刺繡燈天寒風烈
 自磁澗至洛陽作

雲樹蒼茫一望愁澗瀝斜抱洛城流正當雪絮風饕後

擁鼻微吟入豫州

天津橋上起飛埃萬里襟懷得暫開試向龍門高處看
 黃河一髮自天來

晚渡黃河

又醉糟邱酒臨晨問渡來天浮銀屋下地湧書樓開烟
 樹參差出風帆頃刻迴中流何用誓擊楫亦悠哉

兒輩得鵠令放之在孟縣作

非因壽算百年祈聊學金籠放雪衣從此應無傷爾者
 風鈴天外任高飛

由河內至清化鎮

臘月覃懷道飛霜漸漸輕村居饒竹色溪水帶蘆聲北
海樽誰勸南陽墅有名寂寥千載後空動路旁情

旅店對月

邇來宦迹苦栖遲贏得風塵兩鬢絲日落易從投店後
月圓多是別家時誰同竹葉三杯酒自嚼梅花一卷詩
聞道郎官應列宿坐觀星斗為誰移

未至修武先寄戈廣川

錦明府

蓬矢桑弧本素期風塵無復少年時我來河北無人識
先寄南陽令尹知

贈署新鄉縣令司馬錢蕪齋

汝棻并序

蕪齋為余師嘉興大司寇香樹先生仲君余在
秀水曾於金陀坊第見之蓋不晤者十餘年矣
聞以司馬發中州未補不知其署新鄉令也投
店後訪路生於白鶴觀憫其老於童生因言縣
試在邇問令尹何人乃知蕪齋暫署時予方有
辦裝錢之急因踰城闕直至宅門則內外俱寢
乃排闥大呼蕪齋知為余即披衣起迎然爐煮
酒命二子歸生豫章出見詩酒達旦臨別餽以
贐並以路生託為門生作詩贈之

欣逢名士宰新鄉想見師恩秀水長絳帳人多分輩行

銅章署久見循良丈夫豈肯終雌伏饑者先須使飽颺
我有壺漿恩未報瓣香應比辦裝強

新鄉留別錢蕪齋郡丞卽和嗣君培生豫章見贈

韻八

話別衙齋首重廻韶光暗訝鬢邊催十年謬忝登龍客
一夕驚看倚馬才謾謾松濤聞煮酒飄飄梅雪入深杯
可憐情誼同親串兒輩通宵亦待陪汝童主因言
年來大地苦奔馳無復當時海鶴姿衣上塵埃看我抖
毫端珠玉任君麾孔門舊仰趨庭禮衛國新歌授館詩
從此前途話心少陽關四疊有誰知汝童主因言

伎極瘞處膝頻前非爲思叨醉飽全行李有供慚反璧
投桃無報效拋磚紅塵洗盡真形出青眼相看燭影偏
師表儼然帷帳在恍如絃管授經年

想見胃羅萬卷橫敲詩乃爾韻琮琤人如秋鵠凌空健
客似寒蠅凍失聲今日不期重御李當年立雪本從程
未知何處爲南浦總覺銷魂去住并

過淇縣五

不入朝歌里胡爲此地來人皆競趨逐余亦暫徘徊
竹詩猶在桑間什可裁淇泉自清絕好洗客衣埃

咏宜溝驛中

滑如女手軟如綿纔費囊中二貫錢欲睡仍遲是何意
吾家舊物有青氈

沙河縣大風北吹來人皆驚
狂風吹起萬重愁泯泯灘分一水流
十里黃沙飛似霧

白楊多處是溫州
彰德懷古

武安城郭枕荒邱石穴鳴時戰氣愁
自鼓山潛鑿後
至今彰水背西流

塞腹瀟腸仗孰能當時獨禮佛
圖澄不知石虎藏棺內

猶向流沙覓老僧

金堤庄相傳漢孝子郭巨埋兒獲金處有感而作
抱弱分甘亦性真埋兒無乃太傷仁
郭家孝行皆如此
文舉何能有此身

善人天錫理當宜五字丹書亦太奇
祇恐兒鳩原未死
下鋤剛遇拾金時

金鑿向趙州牧李芟裳
處乞木瓜酒
流涎每向麴車揩不見青蓮不舉杯
自愧瓊琬無以報

痴心先望木瓜來
登正定府多寶塔

不盡凌雲意浮屠試一登捫天纜二尺匝地起千層日
向雕欄過雲從繡牖興莫嫌筋骨老猶覺力能勝

登龍興寺大悲閣

金碧千層麗丹青百代仍雷霆梯上履日月寺前燈地
氣連恒嶽鐘聲撼博陵可能空四大我欲問山僧

西人深州牧李五峯遣送小菜四種

未經出土氣含酥小放筠籃似束芻短短麥苗無可雜

不須偷問石家奴

註黃

纔聞香氣已先貪白楮油封固小甌滑似流膏挑不起

可憐風味似淮南

腐乳

栽如諸葛蔓菁菜煮比東坡玉糝羹如練土酥羣不識
教人長是憶金城

盒蔬

醅人加豆列名蔬紫蓼青葵迥不如却憶誠齋詩句好

一生只解貯寒菹

鹹菹

題春風亭

亭在伏城驛元侍郎蘇天爵建

驛前楊柳繫青驄小有亭臺蔓草中道是春風人不信

不知又是幾春風

伏城驛店壁戲寫墨菘自題

菘以安肅縣產爲佳

粉壁無端露一叢數窩安肅寫亭中要知不肯題名意
恐有人呼作李菘

辛卯除夕 在行唐縣作

不為窮途泣其能遠道過人逢相煖少自笑賣癡多踪
跡疑張祿留行想孟軻生涯真是夢又作一南柯
世態都如是吾生計總非主人方熟卧客子理征衣相
酒渾難醉梅花不救饑前途知己有多恐巧相違小計

眼春風

年廿九知縣示曾賦詩天雷震

平生只願報寒衣

謝人賦豆豉各藏紫萸青葵紙不吹法謝精齋詩

好人是景謝金銀盒

淚吹前喜夢青不意此東姓正綠羹吹絲土相攀不歸

